

# Rhapsody of Realities

Shona

**...BHUKU ROKUBATSIRA  
PAMINAMATO YEZUVA NEZUVA**

---

---

*Chris Oyakhilome*



Unless otherwise indicated, all Scripture quotations are taken from the *King James Version* of the Bible.

A KEY FOR OTHER BIBLE VERSIONS USED:

NKJV	-New King James Version
AMP	-The Amplified Bible
AMPC	-The Amplified Classic Bible
TANT	-The Amplified New Translation
TLB	-The Living Bible
CEV	-Contemporary English Version
NASB	-New American Standard Bible
ISV	-International Standard Version
NIV	-New International Version
MSG	-The Message Translation
WEB	-The World English Bible
TNLT	-The New Living Translation
ASV	-American Standard Version
TEV	-Today's English Version
RSV	-Revised Standard Version
GNB	-Good News Bible
WNT	-Weymouth New Testament
NRSV	-New Revised Standard Version
MOFFAT	-Moffatt New Translation
WESNT	-Wesley New Testament
EBR	-Rotherham's Emphasized Bible
DRB	-Douay-Rheims Bible
TPT	-The Passion Translation
CJB	-Complete Jewish Bible

*Rhapsody Of Realities Shona...Bhuku Rokubatsira Paminamato YezuvaNezuva*

ISSN 1596-6984

Nyamavhuvhu 2021 edition

Copyright © 2021 by LoveWorld Publishing

---

FOR MORE INFORMATION AND TO PLACE ORDERS:

**UNITED KINGDOM:**

Unit C2, Thames View Business  
Centre, Barlow Way Rainham-Essex,  
RM13 8BT.  
Tel.: +44 (0)1708 556 604  
+44 (0)8001310604

**SOUTH AFRICA:**

303 Pretoria Avenue  
Cnr. Harley and Braam Fischer,  
Randburg, Gauteng 2194  
South Africa.  
Tel.:+27 11 326 0971

**USA:**

Christ Embassy Houston,  
8623 Hemlock Hill Drive  
Houston, Texas. 77083  
Tel.: +1(800) 620-8522

**CANADA:**

LoveWorld Publishing Canada  
4101 Steeles Ave W, Suite 204  
Toronto, Ontario  
Canada M3N 1V7  
Tel.:+1 416-667-9191

**NIGERIA:**

Plot 97, Durumi District, Abuja, Nigeria.

Plot 22/23 Billingsway Road, Oregun,  
Ikeja, Lagos.

P.O. Box 13563 Ikeja, Lagos  
Tel.: +234 1 8888186

[www.rhapsodyofrealities.org](http://www.rhapsodyofrealities.org)

*email: rorcUSTOMERCARE@loveworld360.com*

---

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing.

# Mashoko Okuvhura

Hedzinyoi nhau dzakanaka! Bhuku renyu ramunofarira zvikuru, Rhapsody of Realities, rava kuwanikwa mumitauro mazana mapfumbamwe nemishanu 3,000 Tiri kutarisira kuti richaramba richiturikirwa mune mimwe mitauro yakawanda. Bhuku iri ndiro ramunoshandisa paminamato yenu yezuva nezuva. Tinovimba kuti mugore ra 2021, bhuku iri richakubatsirai kukura pamweya. Tinotarisira kuti richakubatsirai kubudirira zvikuru mugore rino rose. Muhbhuku rino mune mazano anoshandura hupenyu. Mazano aya achakuvandudzai. Achakushandurai, pamwe nokukubatsirai kuti kudzidza kwenu Shoko raMwari kukubidisirei zvamunoshuvira.

## - MUNOSHANDISA SEI BHUKU IRI RINOKUBATSIRAI PAMINAMATO YEZUVA NEZUVA -

- Verenga ugonyatsofungisisa pamusoro peshoko rezuba iroro. Kunamata minamato kana kutaura zvaunenge wanzi upupure uchidudza uri woga zvinozoita kuti zvinobuda muShoko raMwari raunenge uri kutaura iroro zvishande muupenyu hwako.
- Bhuku iri rine hurongwa hunokubatsira kuverenga Bhaibheri rako uchiripedza negore rimwe kana kuti maviri. Chako kungosarudza kuverenga uchishandisa hurongwa hunokuitira nyore.
- Hurongwa uhu hune zvikamu zviviri. Wakasununguka kuverenga chikamu chekutanga mangwanani, chepiri manheru.
- Bhuku iri rine paunogona kunyora zvinangwa zvako zvomwedzi iwoyo. Namata pamusoro pezvinangwa izvi, uzvinyore. Wava kugona zvino kuvona kuti uri kufambira mberi sei muzvinangwa zvako paunenge uchiita chimwe nechimwe chazvo.

Tinokukoka kuti uzonakirwa noupano hwakanakisa hwaMwari nokukunda mugore rose kusvikira rapera, paunenge uchipota uchinokora Shoko zuva rimwe nerimwe! Tinokudai mose! Mwari akuropafadzei!

-Pastor Chris Oyakhilome



## Gomo ReArarati

Gomo reArarati igomo raimbosiputika rufuse. Rine mwena miviri yaibudisa rufuse urwu. Gomo iri riri munyika yeTurkey. Riri pedo nemuganhu weTurkey neAmeniya. Tinoverenga pamusoro pegomo iri muBhaibheri. Pariri ndipo pakandomirira ngavarava yaNowa.

Izvi ndizvo zvatinoverenga muna Genesi 8 ndima 3. Mvura yaNowa yakanga yanaya. Yakaita mazuva makumi mana ichinaya. Ngarava yaNowa ikahangarara pamvura iyi. Yakaita mazuva zana nemakumi mashanu yakaangarara. Asi yakazonomira yava pagomo reArarati iri. Nowa akazobuda mungarava iyi. Akabuda iye nemhuri yake. Vakadzika negomo iri zvishoma. Ndokuvaka rubairo. Vakaruvakva kuti vabayire Mwari zvibayiro. Mwari ndipo pavakazoita mhiko. Vachivimbisa kusaparadza nyika zvekare.

Rhapsody of Realities  
Shona  
**...BHUKU ROKUBATSIRA**  
**PAMINAMATO YEZUVA NEZUVA**

---

---

[www.rhapsodyofrealities.org](http://www.rhapsodyofrealities.org)



SVONDO 1

## SIMBA RAVO RINOTSIVA KURUKUTIKA KWAKO



*Asi Ishe vakandidavira. Vakati, 'Nyasha dzangu dzakakukwanira. Nokuti simba rangu rinovonekwa zvakanaka. Rinovonekwa paya paunenge usisina simba (2 Vakorinde 12 ndima 9).*

Ungava uri kushumira Ishe. Ivo havakuregi uchipera simba. Havakusiyi uchirukutika. Vanovandudza simba rako. Izvi ndizvo zvatinoverenga muna Isaya 40 ndima 30 kusvika 31. Ndima iyi yakanyorwa zvinofadza. Inoti, *"Kunyange majaya anoneta uye anorukutika, uye majaya anogumburwa agowa; asi avo vane tariro muna Jehovha vachavandudza simba ravo. Vachabhururuka namapapiro samakondo; vachamhanya vasinganeti; vachafamba vasingaziyi"*.

Mundima iyi mune shoko rinoti "kuvandudza". Shoko iri rakaturikirwa kubva kushoko reChihebheru. Shoko reChihebheru iri rinoreva kumutsa chinhu changa chafa. Izvi zvinoda kufanana nemuti. Muti uyu unenge watemwa. Saka unenge wava kutarisirwa kuti ufe. Asi wobva wamuka. Wobva wabukira. Rufu runenge rwatsiviwa nehupenyu. Zvanga zvakarukutika zvinobva zvawana simba. Saka ungava warukutika. Unobva wapiwa simba ravo.

Ndiko kusaka Pauro ane mashoko aakataura. Tinoverenga mashoko aya muna Vakorose 1 ndima 29. Inoti, *"Ichi ndicho chinhu chandinoshandira. Ndichirwisa chose. Ndichibatsirwa naMuponesi. Avo vanoshanda mandiri. Vachishanda kudai nesimba guru"*. Saka simba ravo ndiro rakakosha. Simba iri rinofanira kushanda mukati mako.

Pauro anotauravo pamusoro pehunyanzvi hwedu. Hunyanzvi uhu ndihwo hunoita kuti tigone kusvitsa ruponeso kuvanhu. Pauro anoti hunyanzvi uhu

hahusi hwewanhu venyama. Hunyanzvi hweVamwari. Anotaura izvi muna 2 Vakorinde 3 ndima 5 kusvika 6. Ndima iyi inoti, "*Tisingazviidzi nyanzvi isu pachedu. Zvekuti tingatozvikudza. Asi tinoshanda nehunyanzvi hwaMwari. Ivo vakatiita vashumiri. Vanoshumira sungano itsva*".

Pangaita vanhu vasina simba. Mwari vanovapa simba ravo. Izvi ndizvo zvavakaronga. Ndizvo zvatinoverenga muna Isaya 40 ndima 29. Saka ungava uri kushanda pamwe naMwari. Hazvigoni kuti simba rako ripere. Uchagara uine shungu dzekuvashumira. Izvi zvinotirangaridza mamwe mashoko. Mashoko aya akataurwa naApostora Pauro. Tinoaverenga muna 2 Vakorinde 4 ndima 16. Inoti, "Ndiko kusaka tisingaperi simba. Kana kuneta. Kunyangwe miviri yedu ichiparara hayo. Iyo miviri yedu yenyama. Inova munhu wedu wekunze. Asi munhu wemukati anovandudzwa. Anovandudzwa zuva rimwe nerimwe."

Iwe uri kushanda pamwe nalshe. Saka simba rako rinogara richivandudzwa. Rinogara richiwedzerwa. Mweya vaMwari ndivo vanoriwedzera. Saka unogara uchipfuta. Uchivashumira neshungu. Uzere mufaro. Izvi ndizvo zvaunofanira kugara uchirangarira.

## **PUPURA UCHITI**

**Mwari ngavaropafadzwe! Mweya vaMwari vanogara vachindivandudza. Vanogara vachindiwedzera simba. Vanogara vachindimutsiridza. Saka ndinogara ndizere mufaro. Ndichigona kushumira Ishe. Ndinoshandisa nyasha dzaJesu Muponesi zvakazara. Ndiri nyanzvi. Ndinofarira kuita mabasa ose akanaka. Ivo ndivo simba rangu. Hareruya!**

---

**DKIMWE NDIMA DZINOTSIGIRA CHIDZIDZO CHANHASI:**

---

Isaya 40:29; Mapisarema 103:1-5; Vaefeso 3:16

**HWOKURAVA BHAIBHERI MUGORE RIMWE CHETE**

Varoma 6:1-14 & Mapisarema 56-59

**HWOKURAVA BHAIBHERI MUMAKORE MAVIRI**

Ruka 12:22-34 & Vatongi 7



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## WAKACHENURWA WAZORORA



*Saka ruvimbo ndirwo  
runotichenura. Ndirwō runoita  
kuti titorwe sevanhu vasina mhosva  
yavakapara. Kureva kuti Ishe Jesu  
Muponesi ndivo vakatiyananisa  
naMwari (Varoma 5 ndima 1).*

Jesu Kristu vakafa. Vakavigwa. Vakazomuka kuvakafa. Izvi ndizvo zvakaita kuti uyanane naMwari. Ndizvo zvakaita kuti uve werudzi rwavo. Hazvichagoni kuti upasanurwe naMwari. Takambenge takarasika. Tisiri veropa raMwari. Tichivenga Mwari. Ndizvo zvatakanga tiri Jesu vasati vauya. Tinoziviswa izvi muna Vakorose 1 ndima 21 kusvika 22. Inoti, **"Kunyangwe nemivo. Makanga makagurwa kubva kwavari. Muchiita mabasa akashata. Mabasa aya achiita kuti muvvivone sevavengi vaMwari. Asi makadzoswavo. Kuti myananane naMwari. Rufu rwavo ndirwo rwakakusanganisai pamwe navo. Rwakakusanganisai mumuviri wavo wenyama. Kuti mugomiswa pamberi paMwari. Muri vatsvene. Vanoera. Vasina mhosva yavangapomerwa"**. Mwari ngavaropafadzwe!

Vaefeso 2 ndima 13 inoti, **"Asi zvino iyemi makanga muri kure chose. Mava munā Muponesi Jesu. Ropa raMuponesi rakakuswedzedzai pedo"**. Jesu ndivo vakakutsiva. Nokudero wachenurwa. Hauchina mhosva. Wakashambadza semunhu akarurama. Saka Mwari havachisina kukutsamwira. Havasi kutokuverengera zvivi zvako.

Ivo vane mamwe mashoko avanotaura zvekare. Tinoawana muna Varoma 5 ndima 6 kusvika 10. Verenga mashoko aya. Anoti, **"Nokuti patakanga tisina simba. Panguva chaiyo yataifanira kubatsirwa. Muponesi vakafa. Vachifira vaya vasina Mwari. Nokuti hapana angafira wakarurama. Asi kuda**

*kungava nevamwe havo. Vangada kufira munhu akanaka. Asi Mwari vakataridza kuti vanotida. Pakuti Muponesi vakatifira. Vakatifira tichiri vataadzi. Saka takaruramiswa neropa raMuponesi. Kureva kuti muna Muponesi ava. Ndimo matichaponera. Ndimo matichaponeswa. Tichiponeswa kubva pakurangwa. Nokuti takadzoswa. Tava pana Mwari. Rufu rwaMuponesi ndirwo rwakatidzosa. Rwakatidzosa patakanga tichiri vavengi vaMwari. Kureva kuti kumuka kwavo ndiko kunotiraramisa. Ndiko kunotipa hupenuy". Mashoko aya akadzama zvikuru.*

Saka usatya hako. Mwari havasi kuzorangarira zvivi zvako. Vachibva vakurangira zvivi izvi. Wakadzoka kuna Mwari. Wava muna Muponesi. Wazorora. Mwari ndivo vava baba vako. Ndivo Baba vako vari kudenga. Vanokufarira zvikuru. Varoma 5 ndima 2 inoti, "**Ndivo zvekare vakatipinza munyasha dzino. Idzo dzatava madziri. Nokuti takagona kuvimba navo. Tichifara. Tiine tariro yekufanana naMwari**". Isu tava muna Muponesi. Kureva kuti tava kugara naMwari. Tazorora. Tava kudyidzana naMwari Baba. Hareruya!

## **NAMATA UCHITI**

**Baba vandinoda. Ndinokutendai. Ini ndava muna Jesu Muponesi. Saka ndava nerugare. Ndava kudyidzana naMwari. Ndava kugara nemi. Ndichagara nemi nekusingaperi. Ndakachenurwa. Ndava kuera. Munondifarira. Ndiko kusaka mava kundivona semunhu akarurama. Ndinokutendai nehupenyu hwekururama. Hwerugare. Hwekugara ndichifara muna Mweya Mutsvene. Muzita rajesu. Ameni.**

---

### **DZIMWE NDIMA DZINOTSIGIRA CHIDZIDZO CHANHASI:**

---

Varoma 5:15-17; 1 Johane 1:3

**HWOKURAVA BHAIBHERI MUGORE RIMWE CHETE**

Varoma 6:15-7:1-6 & Mapisarema 60-63

**HWOKURAVA BHAIBHERI MUMAKORE MAVIRI**

Ruka 12:35-48 & Vatongi 8



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHIPIRI 3

## RUPONESO RUNOKUITA MUNHU AKARURAMA



*Nokuti shoko iri handirityiri.  
Ndinovimba naro. Nokuti isimbä..  
Isimba rinoshandisa naMwari.  
Ndiro ravanoshandisa kuponesa  
vanhu. Vanoponeswa vacho ndevaya  
vanenge varigamuchira. Kutanga  
Mujudha. Nekuvanhu vasiri Vajudha.  
MuShoko reruponeso rwaMuponesi  
iri. Ndimo matinoyona kururama  
kwaMwari. Kuchinyanya kujeka  
panowedzera ruvimbo rwedu.  
Sezvazvakanyorwa. Zvichinzi,  
'Akarurama achararama neruvimbo'  
(Varoma 1 ndima 16 kusvika 17).*

**V**anhу vari kutsvaka kururama kwaMwari. Vava nemakore vachikutsvaka. Asi kururama uku kunowanikwa muruponeso rwaKristu. Saka munhu anofanira kugamuchira shoko reruponeso. Zvisizvo haagoni kuwana kururama uku. Zvekare, haangagoni kururama hupenyu hwakarurama.

Mwari vakarurama. Havana chavangapomerwa. Ndiko kusaka vase kururama uku. Asi kururama uku kunogona kuiswa mumweya wemunhu. Kunoita kuti munhu ave werudzi rwaMwari. Achizogona kumira pamberi paMwari. Anomirapo asinganzwi seakaraswa. Kana ane mhosva. Asingatyi. Uye asinganzwi seasina kukodzera. Kururama uku kunoita kuti munhu agone kudyidzana naMwari. Kunoitavo kuti arurame saMwari. Munhu angatsvaka kudyidzana naMwari. Angatsvaka kuva werudzi rwaMwari. Haana imwe nzira yaangawana izvi. Anozviwana chete muruponeso rwajesu Muponesi.

Ndiko kusaka tichifanira kuparidza ruponeso rwajesu. Hatifaniri kunyarara. Ruponeso urwu ndirwo runogadzirisa matambudziko evanhu. Munhu anofanira kuwana ruponeso rwajesu. Ndiko kuti aponeswe. Ndiko kuti anzwisise kururama kwaMwari.

Saka paridza ruponeso urwu. Ruzivise kuvanhu. Zivisa vanhu kuti vava kugona kururama. Mwari ndivo vanovaruramisa kudai. Paridza kudai wakashinga. Uchinzwisisa kuti munhu anofanira kuwana ruponeso rwajesu. Ndirwo rwoga runoita kuti arurame pamberi paMwari.

Varoma 10 ndima 9 kusvika 10 inoti, ***Kuti kana ukapupura. Uchipupura nemuromo wako. Kuti Jesu ndivo Ishe. Nekugamuchira nemoyo wako. Kuti Mwari vakavamutsa kuvakafa. Uchaponeswa. Nokuti munhu anogamuchira nemoyo wake. Obva aruramiswa. Agopupura nemuromo. Obva aponeswa***. Kuda hausati wazvarwa patsva. Chizvarwa patsva ikozvino. Kumbira Jesu vatonge hupenyu hwako. Vakumbire kudai uchibvuma kuti Mwari vakavamutsa kuvakafa. Mweya wako unozoitwa werudzi rwaMwari. Unozoitwa weropa raMwari. Saka unozogona kurarama semunhu akarurama. Kururama kwaMwari kunozovonekwa pauri. Hareruya!

## NAMATA UCHITI

Baba vandinoda. Ndinokutendai. Makanditaridza kururama kwenyu. Kururama uku kunovonekwa muruponeso rwenyu. Ndinokutendai nekuda kwenyasha dzenyu. Nyasha idzi dzinoponesa. Dzinoporesa. Dzinosungunura. Dzinosimudzira. Dzinofumisa. Dzinoita izvi pane wose anenge agamuchira simba raMuponesi. Simba iri isimba rinoponesa. Shoko reruponeso rinopinda mumoyo yevanhu nhasi. Saka ruvimbo runomuka mavari. Hupenyu husingaperi huchibva hwaiswa mumweya yavo. Ivo vachibva vagamuchira kururama. Vanokupiwa sechipo. Muzita rajesu. Ameni.

---

### DZIMWE NDIMA DZINOTSIGIRA CHIDZIDZO CHANHASI:

---

Varoma 3:20-22; Varoma 4:1-5

#### HWOKURAVA BHAIBHERI MUGORE RIMWE CHETE

Varoma 7:7-25 & Mapisarema 64-67

#### HWOKURAVA BHAIBHERI MUMAKORE MAVIRI

Ruka 12:49-59 & Vatongi 9



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## CHITATU 4

# HUMAMBO HWAMWARI HURI MUKATI MAKO



*Johane akazosungwa. Jesu vakabva  
vasvika muGarireya. Vane shoko  
ravakanga vari kuzivisa vanhu. Shoko iri  
rakanga rakanaka. Raiva shoko rehushe  
hwaMwari (Mariko 1 ndima 14).*

Jesu vane shoko ravakanga vari kuzivisa vanhu. Shoko iri raiva rehumambo hwaMwari. Rakanga riri shoko rakanaka. Jesu vaiti nguva yakanga yakwana. Uye humambo hwaMwari hwakanga hwava kusvika. Izvi ndizvo zvatinoverenga muna Mariko 1 ndima 15. Humambo hwaMwari chii? Humambo uhu inzvimbo inotongwa naMwari. Inyika yavanotonga. Asi haisi nyika iri pasi pano. Munyika umu ndimo mavari lshe. Ndimo munovonekwa Humwari hwavo. Ndimo munovonekwa kunaka kwavo.

Ndiko kusaka Jesu vakatiyambira. Vakati tinganzwa vanhu vachitaura. Vachiti, "Humambo hwaMwari huri uko! Huri pano!" Vakati tisagamuchira mashoko akadai. Nokuti humambo hwaMwari hauvonekwi nemeso. Hunoshanda mukati medu. Tinoverenga yambiro iyi muna Ruka 17 ndima 20 kusvika 21. Nguva yatiri ino yakasiyana nedzimwe. Mwari vane basa ravari kuita. Iri ibasa rekuisa humambo hwavo mumoyo yevanhu. Asi humambo uhu hunoshanda mumweya.

Jesu vakambomiswa pamberi paPirato. Tinoverenga nhoroondo iyi muna Johane 18 ndima 36 kusvika 37. Pirato akavabvunza mibvunzo. Jesu vakabva vamudavira. Tinoverenga mashoko avo muna Johane 18 ndima 38. Vakati, "... **hushe hwangu hahusi hwenyika ino ...**". Humambo hwaMwari inyika. Asi haisi nyika yepasi pano. Kunyangwe zvakadero, Jesu vakati, "Humambo uhu hwauya!" Ichi chinotova chokwadi. Humambo uhu hwakatouya. Hunotova mumoyo yedu.

Saka Mwari vava kugona kutonga moyo yevanhu.

Kureva kuti Humambo hwavo hwavapo. Iri ndiro shoko ratinaro. Ndiro ratiri kuzivisa vanhu. Ishoko rinofadza chose. Johane 14 ndima 23 inoti, “... *Kana munhu achindida. Anochengeta Shoko rangu. Baba vangu vachamuda. Tichauya kwaari. Tigovaka musha wedu maari. Tigogara maari*”. Zvinhu zvakadai zvaisagoneka panguva yekare. Asi zvava kugoneka munguva yedu. Nguva yekare iyi ndiyo yaana Abhurahama, Mosesi, Eriya, Erisha, Dhavidhi, Soromoni, nemadzibaba ekare.

Jesu vakambouya panyika. Ndipo pavakaunza Humambo hwaMwari. Vakauya vakahutakura. Hwakanga huri mavari. Zvino isu takavagamuchira. Saka tavavo neHumambo hwaMwari. Humambo uhu hwava mukati medu. Saka tava verudzi rweVamwari. Tava nenyasha dzavo. Tava veropa raMwari. Mwari vava kuwanikwa mumoyo yedu! Mwari vava kugara mukati mako. Musha wavo wava mukati mako. Hongu. Wava chizvarwa cheHumambo hwaMwari. Asi izvi hazvisi izvo zvoga. Ndiwe wava kusvitsa Humambo hwaMwari kuvanhu. Ndiwe wava kusvitsa fuma yaMwari kuvanhu. Hareruya!

## NAMATA UCHITI

**Baba vandinoda. Ndinokutendai nokuda kweHumambo hwenyu. Humambo uhu hwava mumoyo wangu. Imi mavu kugara mandiri. Kururama kwenyu kwava kuvonekwa pandiri. Humambo hwenyu ndihwo hwava kutonga. Huri kutonga panyika pano. Huri kutonga moyo yevanhu. Huri kubata vanhu vakawanda. Izvi zviri kuitika pari kuparidzwa ruponeso pasi rose nhasi. Muzita rajesu. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

Vakorose 1:27; 2 Vakorinte 4:6-7; Ruka 17:21

---

#### HWOKURAVA BHAIBHERI MUGORE RIMWE CHETE

---

Varoma 8:1-17 & Mapisarema 68-69

---

#### HWOKURAVA BHAIBHERI MUMAKORE MAVIRI

---

Ruka 13:1-9 & Vatongi 10



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHINA 5

## ZVIPINZE MUGWARA RAMWARI



*Uye zvinhu zvose izvi. Zvitsva. Zvakabva  
kuna Mwari. Ivo vakashandisa Jesu  
Muponesi kutidzosa kwavari. Vakatipavo  
basa rekudzosa vanhu kwavari  
(2 Vakorinde 5 ndima 18).*

Kune vamwe vanhu. Vanhu ava vanongotsvaka zvinovafadza ivo. Havatsvaki zvinodiwa naMwari. Asi chii chinodiwa naMwari? Mwari vanotsvaka kuti vanhu vazine chokwadi. Izvi ndizvo zvatinoverenga muna 1 Timoti 2 ndima 4. Ichi ndicho chinofaniravo kuva chishuvo chako. Unofanira kushuva zvinoshuviwa naMwari.

Pane shungu dzaunofanira kuva nadzo. Idzi ishunu dzekuunza vanhu kuna Mwari. Ndido dzinofanira kukutuma kuita zvinhu. Ungava mutungamiriri wevanhu. Ungava mudzidzisi. Ungava unoshanda kubhanga. Ungava mudzidzi. Asi rangerira kuti uri Mukristu. Chikristu chako ndicho chakakosha. Chakakosha kudarika mamwe mabasa ako ose. Saka une basa rawakapiwa. Iri ibasa rekusvitsa ruponeso kuvanhu. Ita basa iri. Ndiro rinofanira kunge riri pamoyo pako. Tsvaka kuti vakawanda vapinde muhumambo hwaMwari. Ndiko kuti ugofera muhupenyu. Ndiko kuti hupenyu hwako hukugutse. Ndiko kuti uwane maropafadzo ose aungada.

Unofanira kuunza vanhu kuna Mwari. Iri rinotova basa. Ibasa raunofanira kuraramira. Ndiko kuti hukama hwako naMwari hudzame. Ndiko kuti unatse kunzwisia Mwari. Ndiko kuti hupenyu hwako hukugutse. Jesu vane mashoko avakataura. Tinoaverenga muna Mariko 16 ndima 15. Vakati, "**Endai munyika dzose. Muparidze ruponeso. Ruparidzei kuzvisikwa zvose**". Tinoverenga mamwe acho muna Matiyo 24 ndima 14. Vakati, "**Shoko iri reruponeso. Iro rinotaura nezvehushe hwaMwari. Richaparidzwa munyika**

***dzose. Richaparidzwa seuchapupu kumarudzi ose. Ndipo pachazoguma nyika ino”.***

Shoko reruponeso rinofanira kusvika kunyika dzose. Izvi ndizvo zvakarairwa naJesu. Havana kungozviraira kuVafudzi. Havana kungozviraira kuvaparidzi. Vakazviraira kuVakristu vose. Saka iwe unotova mushumiri. Ndiwe unosvitsa Sungano Itsva kuvanhu. Izvi ndizvo zvatinoverenga muna 2 Vakorinde 3 ndima 6. Ndiwe unoZivisa vanhu nezveruponeso. Kune vanhu vari murima. Iwe wakatumwa kuvanhu ava. Wakatumwa kuti uvaunzire chiedza cheruponeso.

Nyika ino ine rima. Asi iwe uri chiedza. Ndiwe chiedza munyika ino. Saka shoko reruponeso ngarivonekwe pauri. Ngarivonekwe richipenya. Utaridze chiedza charo kuvanhu. Uchiita kuti naivo variendesevo kune vamwe. Mwari vanotovimba newe. Ndiwe wavari kuvimba naye panguva ino. Ndiwe wavakabatisa shoko ravo. Shoko iri ishoko rinoraramisa vanhu. Rinovhura meso evakarasika. Rinovabvisa murima. Richivapinza muchiedza. Rinovabvisa musimba raSatani. Richivaunza kuna Mwari.

## **NAMATA UCHITI**

**Baba vandinoda. Ndinokutendai nekuda kwenyasha dzenyu. Nyasha idzi dzinoponesa. Dziri kushanda ikozvino. Dziri kushanda nokuti ruponeso ruri kuperidzwa pasi rose. Ruri kuperidzwa nevana venyu. Saka vakawanda vari kubviswa murima. Vari kupinzwa muchiedza. Vari kubviswa pasimba raSatani. Vari kuunzwa kuna Mwari. Izvi zviri kuitika pavari kugamuchira ruponeso. Muzita raJesu. Ameni.**

---

### **DZIMWE NDIMA DZINOTSIGIRA CHIDZIDZO CHANHASI:**

---

Habakuki 2:14; Mabasa Avapostora 26:16-18

**HWOKURAVA BHAIBHERI MUGORE RIMWE CHETE**

Varoma 8:18-39 & Mapisarema 70-73

**HWOKURAVA BHAIBHERI MUMAKORE MAVIRI**

Ruka 13:10-21 & Vatongi 11



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHISHANU 6

## MUPONESI VAKAVAKA MUSHA WAVO MUKATI MAKO



*...Ivo vaya vakasarudzwa naMwari.  
Vachivasarudza kuti vavazivise kukura  
kwechakavanzika ichi. Chinova  
cheVamwari. Chavakarongera vanhu  
vaya. Vasiri Vajudha. Chekuti Muponesi  
agare mamuri. Mugova vanhu verudzi  
rweVamwari  
(Vakorose 1 ndima 27).*

**M**weya Mutsvene vava kugara mukati mako. Izvi zvinoreva kuti Kristu vava kugara mauri. Saka wava werudzi rwaKristu. Wava nehunhu hwavo. Simba ravo rava mauri. Maropafadzo avo ava mauri. Rangarira mashoko akambotaurwa naJesu. Tinoaverenga muna Johane 14 ndima 23. Vakati, “...**Kana munhu achindida. Anochengeta Shoko rangu. Baba vangu vachamuda. Tichauya kwaari. Tigovaka musha wedu maari. Tigogara maari**”. Jesu ndivo vakataura mashoko aya. Vakaataura vasati vafa. Vasati vavigwa. Vasati vamuka kuvakafa. Uye vasati vakwira kudenga. Vakanga vataura muna Johane 14 ndima 16 kusvika 17. Vachiti, “**Ini ndichakumbira Baba. Vachakupai mumwe Mubatsiri. ... imi munomuziva. Ikozvino anemi. Asi achazova mukati menyu**”.

Jesu vakazoita zvavakanga vavimbisa izvi. Vakazviita musi wePentekosta. Mweya Mutsvene vakaburuka musi uyu. Vakapinda mukati mevadzidzi vavo. Vakagaramo. Isu tazvarwavo patsva nhasi. Mweya Mutsvene ava vava kugaravo mukati medu. Tisu tava imba yavo. VeSungano yeKare havaigoni kunzwisisa izvi. Vavoni havana kugona kuzvinzwisisa. Kunyangwe ngirozi hadzina kugona kuzvinzwisisa. Dzakangonzwa kuti Mwari vakanga vachazogara mumoyo yevanhu. Asi hadzina kunzwisisa kuti zvingaitika sei.

Asi izvi ndizvo zvaishuviwa naMwari. Vakanga vakatozvitura. Tinoverenga mashoko avo muna Zvirevo 8 ndima 31. Vakati, “... ***ndinofarira kugara nevanakomana vevanhu***” (KJV). Pauro akazotsanangura chinhu ichi. Mweya Mutsvene ndivo vakamubatsira kuchijkeesa. Ndicho chataverenga mundima yatavhura nayo. Saka Kristu vava kugona kugara mukati memunhu. Izvi zvinobva zvaita kuti munhu uyu afanane naMwari. Hunhu hwaMwari hunobva hwavonekwa paari. Runako rwaMwari ruchivonekwa paari. Simba ravo richivonekwa paari. Uye kururama kwaMwari kuchivonekwa paari.

Vaeefeso 3 ndima 17 inotaura ichiti, “***Kuti Muponesi vagare mukati menyu. Nokuda kweruvimbo rwenyu. ...***”. Mundima iyi mune shoko rinoti, “kugara”. Kureva kuti Kristu vava kugara mukati mako. Iwe wava musha wavo. Vava kugara mumoyo mako. Vanogaramo nekuti wakagona kuvimba naMwari. Mweya wako wavhengana newavo. Wava werudzi rwavo. Wava weropa ravo. Saka Zita ravo ngarikudzwe nekusingaperi!

## PUPURA UCHITI

**Ishe vakaropafadzwa. Ndinokutendai. Makavaka musha wenyu mumoyo mangu. Makandiita munhu anoera. Mukandiita imba yamunogara imi. Ndava weropa renyu. Ndava werudzi rwenyu. Imi mavu kuvonekwa pandiri. Ichi chinhu chinoshamisa chose. Saka ndinokutendai nekusingaperi.**

---

### **DZIMWE NDIMA DZINOTSIGIRA CHIDZIDZO CHANHASI:**

---

1 Vakorinte 6:19; Johane 14:16-17;

1 Vakorinte 3:16-17

#### **HWOKURAVA BHAIBHERI MUGORE RIMWE CHETE**

Varoma 9:1-29 & Mapisarema 74-77

#### **HWOKURAVA BHAIBHERI MUMAKORE MAVIRI**

Ruka 13:22-30 & Vatongi 12



Leave comments on today's devotional at  
[www.rhapsodyofrealities.org](http://www.rhapsodyofrealities.org)



MUGOVERA 7

## TAKAMUTSWA PAMWE CHETE NAKRISTU



*Kana makamutswa pamwe  
naMuponesi. Vavarirai zvinhu zviya.  
Zvekudenga. Uko kugere Muponesi  
ava. Vari kurudyi rwaMwari  
(Vakorose 3 ndima 1).*

Jesu vakafira vanhu vose. Vakavafira  
jpavakafa pamuchinjikwa. Saka munhu wose  
akatoponeswa. Asi Chikristu hachina kutangira  
paMuchinjikwa. Hachina kutangira parufu rwajesu.  
Chakatangira pakumuka kwavo kuvakafa. Kumuka  
uku ndiko kwakaita kuti vanhu vagone kuva veropa  
raKrsitu. Ndiko kwakaita kuti vagone kuva Vakristu.

Saka munhu angada kushandisa ruponeso  
rwake. Angada kuva weropa raKristu. Anofanira kuita  
zvinorairwa muna Varoma 10 ndima 9 kusvika 10.  
Ndima iyi inoti, **"Kuti kana ukapupura. Uchipupura  
nemuromo wako. Kuti Jesu ndivo Ishe. Nekugamuchira  
nemoyo wako. Kuti Mwari vakavamutsa kuvakafa.  
Uchaponeswa. Nokuti munhu anogamuchira nemoyo  
wake. Obva aruramiswa. Agopupura nemuromo.  
Obva aponeswa".**

Mweya Mutsvene vane mashoko avakataura.  
Vakashandisa Pauro kuataura. Tinoaverenga muna  
Varoma 6 ndima 4. Vakati, **"Kureva kuti patakanyikwa  
kudai. Takafushirwa pamwe chete navo. Kuti  
tigorarama hupenyu hutsva. Sezvo Muponesi  
vakamutswa kuvakafa. Vachimutswa nesimba  
raBaba".** Mwari ndivo vakamutsa Jesu kuvakafa.  
Vakabva vatimutsavo isu. Vakatimutsa pavakamutsa  
Jesu ipapo. Takabva tatanga kurarama humwe  
hupenyu. Hupenyu uhu hutsva. Takabva tava zvipuka  
zvitsva. Tikitanga kurarama tiri muna Muponesi Jesu.  
Tikitanga kuziva Mwari. Tichikurira zvinhu zvenyika  
ino.

Chipuka chitsva chakatangira pakumuka kwajesu. Iwe wakabviswa murufu. Wava mupenyu. Wakamutswa pamwe chete naKristu. Wagara navo zvino. Mugere kumatenga. Saka une zvinhu zwawawa kufanira kukoshesa. Une zvinhu zwawawa kufanira kuvavarira. Zvinhu izvi ndezviya zviri kudenga. Ndizvo zvatinorairwa muna Vakorose 3 ndima 2. Ndima iyi inoti, ***"Pfungwa dzenyu ngadzigare dziri pazvinhu zvekudenga. Kwete pazvinhu zvepanyika pano"***.

Iwe wakazvarirwa kudenga. Zvizive semunhu akazvarirwa kudenga. Ugere pamwe chete naKristu. Nzvimbo yamugere iyi ndiyo inogara vanhu vanotonga. Ndiyo inogara vanhu verudzi rweVamwari. Vanhu vanogara mairi ndivo vane masimba ose. Saka une zvinhu zwawawa kufanira kukoshesa. Izvi zvinhu zvaMwari. Zvinhu zvekudenga. Kudenga uku ndiko kwawakazvarirwa. Saka taura mutauro wekudenga. Rarama semunhu wekudenga. Funga semunhu wekudenga.

## NAMATA UCHITI

**Ndava kuraramira kudenga. Ndava kufunga semunhu wekudenga. Ndigere naKristu. Nzvimbo yatigere yacho ndiyo inogara vanhu vanotonga. Vanhu vanogara mairi ndivo vane masimba ose. Ndava kudyidzana naMwari. Ndava kukurira zvinhu zvenyika ino. Ndava kubudirira pane zvose zvandinoita. Ndava kugara ndichikunda. Ndava munhu werudzi rwaMwari. Ndava kutonga panyika pano. Ndinotonga ndakamiririra Jesu Muponesi. Shungu dzangu dzangova pavari. Dzangova pazvinhu zvekudenga. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

Vaefeso 1:18-23; Vaefeso 2:4-6

**HWOKURAVA BHAIBHERI MUGORE RIMWE CHETE**

Varoma 9:30-10:1-21 & Mapisarema 78

**HWOKURAVA BHAIBHERI MUMAKORE MAVIRI**

Ruka 13:31-35 & Vatongi 13-14



Leave comments on today's devotional at  
[www.rhapsodyofrealities.org](http://www.rhapsodyofrealities.org)

Nora zwierzątka

SHONA

Nyora zwawadzidza

Nyora zwawadzidza



## TEVEDZERA TENZI



*Jesu vakati kwavari, 'Nditeverei.  
Ndigokuitai vabati vavanhu'  
(Matiyo 4 ndima 19).*

**U**ngaita zvinhu muhupenyu. Zvinhu izvi zvinofanira kutsvaka kuunza vanhu kuna Jesu Kristu. Mukristu wose anofanira kukoshesa basa iri. Anofanira kurikoshesa kudarika zvime zvose. Ishe Jesu pachavo vaiunza vanhu kuna Mwari. Vakanga vachitova nyanzvi kuita basa iri. Bhaibheri rinotitaridza zvime zvavakamboita. Tinozviverenga muna Johane 4 ndima 6 kusvika 42. Jesu Vakanga vari pane rimwe tsime. Tsime iri rakanga riri paSamariya. Mumwe mukadzi akabva asvika patsime apo. Jesu vakabva vatanga kutaura naye.

Mukadzi uyu akanga auya kuzochera mvura. Zvino Ishe vakanga vachida kuti avateerere. Saka vakantha nyaya. Nyaya iyi yakanga iri pamusoro pemvura. Mvura ndiyo yakanga yavingwa nemukadzi uyu. Saka yakanga yakamukoshera panguva iyi. Izvi zvakaita kuti ateerere kuna Jesu. Tenzi vakabva vamuparidzira. Akabva agamuchira mashoko avo. Akaenda kune vamwe. Akanovaudza pamusoro paMuponesi ava.

Matiyo 4 inotipa imwe nhoroondo zvekare. Iyi inhoroondo yajesu. Jesu vakanga vari pamhenderekedzo dzegungwa. Vakanga vari kutafumba havo. Gungwa iri raiva reGarireya. Jesu vakabva vavona vamwe varume. Varume ava vakanga vari vaviri. Vakanga vari vana vemunhu mumwe. Vakanga vari varedzi vehove. Mumwe akanga ari Simoni Pita. Mumwe akanga ari Andireya. Jesu vakataura kwavari. Mashoko avo ndiwo atavona muna Matiyo 4 ndima 19. Vakati, "... **Nditeverei. Ndigokuitai vabati vavanhu**".

Tenzi vainzwisa kutaura nevanhu. Saka vaiti vakavona munhu. Vaitsvaka kumuparidzira. Vaibva vatanga kutaura nemunhu uyu. Asi vaitanga nenyaya inomunakidza. Munhu wacho aibva ada kutaura navo. Saka aibva avateerera. Kuda iwe ungadavo kuparidzira

vanhu. Asi wanga uri kushaya kuti wovatanga sei. Ita zvaiitwa naTenzi. Tsvaka zvinofarirwa nevanhu ava. Wobva watanga kutaura navo. Uchitaura pamusoro pezvinhu izvi.

Munhu uyu anogona kunge ari kuverenga bhuku. Unogona kukumbira kuti akuudze zvaanenge ari kuverenga zvachos. Iwe wobva wanatsa kuteerera achitaura. Muteerere kusvika apedza. Wochizotangavo kutaura. Munhu uyu anozodavo kuteerera kwauri. Iwe ndipo paunobva watanga kumuparidzira.

Asi Ishe vanogona kugara vakuraira pekutangira. Pakaderi ingoita zvaunenge warairwa izvi. Taura mashoko avanenge vari kukupa. Ivo vanotaura muna Mapisarema 81 ndima 10. Vachiti, "... *Shamisa muromo wako kwazvo, ndigouzadza*". Shinga kutaura Shoko raMwari. Ivo vanozoshandisa Shoko iri. Vanozorishandisa kuita zvinhu zvinovonekwa.

## NAMATA UCHITI

**Baba vakaropafadzwa. Ndinokutendai. Makandipa Mweya Mutsvene. Mweya Mutsvene ava vari mukati mangu. Ndivo vanondiita mushumiri. Vanondiita mushumiri anogona basa. Saka ndinosvitsa fuma yavo kuvanhu. Ndinowana mikana yekuparidza Kristu nhasi. Ndinoshandisa mikana iyi. Ndinoishandisa kuparidza Muponesi kuvanhu. Ivo vanhu vara vamakaronga kuti ndivasvitse ruponeso. Vanhu ava vanobviswa murima. Vanopinzwa muchiedza. Vanopinzwa mukururama kwenyu. Muzita rajesu. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

1 Vakorinte 9:16; Mabasa Avapostora 17:22-34

**HWOKURAVA BHAIBHERI MUGORE RIMWE CHETE**

Varoma 11:1-24 & Mapisarema 79-81

**HWOKURAVA BHAIBHERI MUMAKORE MAVIRI**

Ruka 14:1-14 & Vatongi 15-16



Leave comments on today's devotional at  
[www.rhapsodyofrealities.org](http://www.rhapsodyofrealities.org)



MUVHURO 9

## TSIKA DZEDU DZIRI MUNA KRISTU



*Pfungwa dzenyu ngadzigare  
dziri pazvinhu zvekudenga.  
Kwete pazvinhu zvepanyika pano  
(Vakorose 3 ndima 2).*

su tiri Vakristu. Mwari vakatisanangura. Hatischiri venyika ino. Asi tichiri kugara panyika ino. Tine vanhu vatinogara navo. Vanhu ava vakasiyana siyana. Vane tsika dzakasiyana siyana. Vane mafungiro akasiyana siyana. Izvi zvinobva zvavhiringa vamwe Vakristu. Vanopedzisira vasisazivi tsika dzekutevera. Asi havafaniri kudero. Mukristu munhu akazvarwa patsva. Ava netsika itsva. Idzi itsika dziri muna Kristu Jesu. Itsika dziri muShoko raMwari. Tsika idzi ndidzo dzaunofanira kutora.

2 Vakorinde 5 ndima 17 inoti, “**kana munhu ava muna Muponesi. Yava imwevo mhuka. Itsva**”. Izvi ndizvo zvawawa. Kureva kuti wakashanduka rudzi. Hauchisiri werudzi rwenyika ino. Shoko raMwari ndiro rava kutungamirira hupenyu hwako. Ndiro rawava kushandisa pakurarama kwako. Tsika inongova nzira inoraramiwa nayo nevanhu. Zvino isu tava muna Muponesi. Saka tava nenzira yatava kurarama nayo. Izvi ndizvo zvatinoverenga muna Vakorose 3 ndima 4. Shoko raMwari ndiro ratava kuvimba naro. Ndiro rava kutipa tsika dzekurarama nadzo. Izvi ndizvo zvatinovona muna Vahebheru 10 ndima 38, na2 Vakorinde 5 ndima 7.

Kune vamwe vanhu. Vanhu ava vanokoshesa tsika

dzavo. Saka vane mitambo yavasingadi kudarikwa nayo. Iyi ingava mitambo yenyika dzavo. Kana yemaguta avo. Kana yematunhu avo. Unogona hako kuita mitambo iyi. Ndokunge isingapesani neShoko raMwari. Ndokunge isingapesani nekunamata Jesu Kristu kwaunoita.

Unofanira kurovedzerwa muShoko raMwari. Mavonero aunoita hupenu anozoshanduka. Shoko raMwari ndiro rinenge rava kukutungamirira. Rinozokutungamirira pane zvose zvaunenge uchiita. Hauzogamuchiri zvinhu zvose zvose. Unozungogamuchira zvinowirirana naKristu chete. Zvinhu izvi ndizvo zviya zveHumambo hwaMwari. Zvinova zvawakapiwa naMwari. Kana zvawakaitwa naMwari. Hareruya!

## NAMATA UCHITI

**Baba vakarurama. Ini ndinofara. Shoko renyu rinogara richishandura mweya wangu. Shoko iri rakandipa imwe tsika. Rakashandura mavonero angu. Ndava kufunga semunhu anogara achibudirira. Ndava kufunga semunhu anoremekedzwa. Ndinofara zvikuru. Ndakashanduka rudzi. Ndine maropafadzo andakapiwa. Aya maropafadzo ekudenga. Ndava chizvarwa chekudenga uku. Muzita rajesu. Ameni.**

---

### **DZIMWE NDIMA DZINOTSIGIRA CHIDZIDZO CHANHASI:**

---

Varoma 12:2; Vagaratia 3:27-28

**HWOKURAVA BHAIBHERI MUGORE RIMWE CHETE**

Varoma 11:25-36 & Mapisarema 82-84

**HWOKURAVA BHAIBHERI MUMAKORE MAVIRI**

Ruka 14:15-24 & Vatongi 17



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHIPIRI 10

## HAUCHAFANIRI KURANGWA



*Nokuti Mwari vakada nyika. Vakasvika  
pakuipa Mwanakomana wavo. Anova  
ndiye oga wavakanga vazvara. Vaida kuti  
vanhu vamugamuchire. Vasazoparara.  
Asi wawane hupenyu husingaperi  
(Johane 3 ndima 16).*

Panyika pano pane mutemo. Mutemo uyu unoti vanhu vose vanofanira kurangwa. Mutemo uyu ndiwo wakabvisa vanhu pana Mwari. Unoshanda pamunhu wose anouya panyika pano. Asi munhu anogona kuzvarwa patsva. Munhu uyu anobva atanga hupenyu hutsva. Anobva abviswa pasi pemutemo uyu. Izvi ndizvo zvatinoverenga muna Varoma 5 ndima 1. Ndima iyi inoti, "**Saka ruvimbo ndirwo runotichenura. Ndirwo runoita kuti titorwe sevanhu vasina mhosva yavakapara. Kureva kuti Ishe Jesu Muponesi. Ndivo vakatiyananisa naMwari**". Varoma 8 ndima 1 inosimbisavo izvi. Inoti, "Nokuti vanhu yaya. Vari muna Muponesi Jesu. Ivavo vasingatungamirirwi nemiviri yavo yenyama pakurarama kwavo. Asi vanotungamirirwa naMweya Mutsvene. Havachina mhosva yavachapiwa".

Izvi ndizvo zvatavonavo mundima yatavhura nayo. Jesu ndivo vakanga vari kutaura mundima iyi. Saka munhu angagamuchira Jesu. Munhu uyu haafaniri kurangwa. Kune vanhu vanofanira kuperara. Iwe wakatsaurwa kubva kuvanhu vakadai. Hauchisiri muboka ravo. Uyu unotova mutemo. Mwari ndivo vakaudzika. Mwari vakatuka nyika ino. Vakaisema. Ndiko kusaka izere njodzi. line rima. line zvirwre. line matenda. line hurombo. Vanhu vayo vachikurirwa. Vachikundikana pakurarama kwavo. Asi iwe hauchisiri wenyika ino. Izvi ndizvo zvatinovona muna Johane 17 ndima 16. Wava chizvarwa chekudenga. Denga ndiro rava nyika yako.

Saka taura semunhu anovimba naMwari. Ndiwo

matauriro awava kufanira kugara uchiita. Ndiko kuti njodzi dzenyika ino dzisagona kukukanganisa. Ndiko kuti ugare uchikurira zvinhu zvenyika ino. 1 Vakorinde 2 ndima 12 kusvika 13 inotaura ichiti, “**Zvino isu hatina kipiwa mweya wenyika ino. Asi mweya waMwari. Kuti tigone kuziva zvinhu zviya. Zvatakapiwa naMwari. Vachitipa pasina mubhadharo. Zvinhu izvi ndizvo zvatinotaura ...**”. Iwe wakakunda kare. Saka gara uchitaura semunhu akakunda.

Gara uchitaura mashoko. Uchizvirangaridza kuti wakakurira nyika ino. Wakakurira zvinhu zvenyika ino. Mwari ndivo chete vanovonekwa pahupenyu hwako. Kururama kwavo ndiko kunovonekwa pauri. Masimba avo ndiwo anovonekwa pauri. Runako rwavo ndirwo runovonekwa pauri. Mweya vaMwari ndivo vava kugara mauri. Vanogara vachifamba famba mumuviri wako wose. Vanofamba kudai vachiuchengetedza. Saka zvirwere hazvichagoni kugara mumuviri wako. Mweya Mutsvene ava ndivo vakamutsa Muponesi kubva kuvakafa.

## PUPURA UCHITI

**Kururama kwaMwari ndiko kunovonekwa pahupenyu hwangu. Masimba avo ndiwo anovonekwa pandiri. Runako rwavo ndirwo runovonekwa pandiri. Mweya vaMwari ndivo vava kugara mandiri. Vanogara vachifamba famba mumuviri wangu. Vanofamba kudai vachichengetedza muviri wangu. Saka zvirwere hazvigoni kugara mumuviri wangu. Nyika ino izere rima. Saka iri kuparadza. Iri kurangwa. Asi ini handisi kuparadza nayo. Ndakatsaurwa kubva kwairi. Ndava chizvarwa cheHumambo hweMwanakomana waMwari. MuHumambo uhu ndimo mandava kugara. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

Vagaratia 3:13; Varoma 8:1

**HWOKURAVA BHAIBHERI MUGORE RIMWE CHETE**

Varoma 12:1-16 & Mapisarema 85-88

**HWOKURAVA BHAIBHERI MUMAKORE MAVIRI**

Ruka 14:25-35 & Vatongi 18



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## CHITATU 11

### ZUVA RERUPONESO



*Nokuti iye anoti, 'Ndakakunzwa  
panguva yakafanira. Ndakakubatsira  
pazuva reruponeso. Ino ndiyo nguva iya.  
Yavakanga vari kurongera. Rino ndiro  
zuva racho. Reruponeso'  
(2 Vakorinde 6 ndima 2).*

**M**oyo yevanhу vaMwari yava neshungu. Idzi mishungu dzekuparidza ruponeso. Shungu idzi dzakawanda. Dzinodarika dzakambovapo kare. Zvekare, vakawanda vava kutsvakavo ruponeso. Vava nenzara yeruponeso. Mweya vaMwari vakadururwa. Vakadururirwa pavanhu vose. Rangarira mashoko akataurwa naJesu. Tinoaverenga muna Mabasa 1 ndima 8. Anoti, “**Asi muchawana simba. Kana Mweya Mutsvene vauya pamusoro penyu. Mugogona kuva zvapupu zvangu. Mugondipupurira muJerusarema. MuJudhiya rose. MuSamariya. Kusvikira kumigumo yenyika**”.

Ndiyo nguva yatava mairi zvino! Tine simba ratakapiwa. Simba iri rinoita kuti tigone kuunza vanhu kuna Mwari. Ino ndiyo nguva yeruponeso. Saka munhu wose ava kugona kuwana shoko reruponeso. Uye munhu wose ava kugona kupa moyo wake kuna Kristu. Jesu vakatizivisa nezvenguva ino. Tinoverenga mashoko avo muna Ruka 4 ndima 19. Vakariti igore ralshe rakanaka. Ndizvovo zvatinovona mundima yatavhura nayo. Yati, “...**Ino ndiyo nguva iya. Yavakanga vari kurongera. Rino ndiro zuva racho. Reruponeso**”. Saka rino ndiro zuva reruponeso. Saka Mwari ngavakudzwe saMwari!

Asi nguva iyi ichapera. Ndipo pachauya nguva yekurangwa. Jesu vakinvhurira nguva yeruponeso. Asi vachadzoka zvekare. Ipapo ndipo pavanenge vava kuranga vanhu. Asi tichiri munguva yeruponeso. Tichine basa rekuita. Tiri kurishanda pamwe chete naMwari. Tichiita kuti varume nevakadzi vaponeswe. Izvi ndizvo zvatinovona muna 2 Vakorinde 6 ndima 1.

Une vanhu vaunosangana navo. Batsira vanhu ava kuti vaponeswe. Vabatsire uchishandisa simba raMwari. Simba iri riri mukati mako. Riri kushanda mauri. Riri kushanda kudai nokuti ino inguva yenyasha. Endesa ruponeso kune vakarasika. Riendese kune vasina tariro. Riendese kune vari kurwadziwa. Pamwe nevakasemwa nenyika ino. Usvitse ruponeso urwu kunyika dziri kure. Nguva yasara yava shoma. Rangarira izvozvo. Saka shingaira kuunza vanhu kuna Muponesi. Izvozvo ndizvo zvinoita kuti Mwari vakudzwe saMwari.

## NAMATA UCHITI

**Mweya walshe vari pandiri. Nokuti vakaisa simba ravo pandiri. Simba iri rinoita kuti ndigone kuparidza ruponeso kuvarombo. Vakandituma kuporesa vakavora moyo. Ndichizivisa nhapwa kuti dzasungunuka. Nemapofu kuti ava kugona kuvona. Pamwe nekusungunura haya vakarwadziswa. Ndinokutendai Ishe wangu. Makandivona ndakakodzera kushanda nemi. Munoshanda neni kuponesa mweya yevanhu.**

---

### DZIMWE NDIMA DZINOTSIGIRA CHIDZIDZO CHANHASI:

---

Isaya 49:7-9; Vaheberu 3:7-8

**HWOKURAVA BHAIBHERI MUGORE RIMWE CHETE**

Varoma 12:17-13:1-14 & Mapisarema 89

**HWOKURAVA BHAIBHERI MUMAKORE MAVIRI**

Ruka 15:1-10 & Vatongi 19



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHINA 12

## SATANI AKASUNGWA. MAMHEPO AKE AKASUNGWA. ISU TISU TINOITA KUTI VAGARE VAKAVHARIRWA



*Vatsvene ngavafare nokukudzwa kwake,  
uye vaimbe nomufaro vari panhovo  
dzavo. Kurumbidzwa kwaMwari  
ngakuve pamiromo yavo, nomunondo  
unocheka kwose, mumaoko avo, kuti  
vatsive pamusoro pendudzi, uye varange  
marudzi avanhu, vasunge madzimambo  
avo nengetani, namakurukota avo  
nezvisungo zvamatate, kuti vaite  
zvavakatongwa nazvo, zvakanyorwa  
pamusoro pavo. Ndiko kukudzwa  
kwavatsvene vose. Rumbidzai Jehovha  
(Mapisarema 149 ndima 5 kusvika 9).*

I she Jesu vagere parudyi rwaMwari Baba. Ndiyo vane chigaro chikuru. Chigaro ichi chakadarika zvimwe zvose. Chine masimba akawanda. Masimbaaya anodarika emachinda ose. Anodarika mamwe masimba ose. Anodarika dzimwe nyembe dzose. Saka Zita ravo iguru. Hapanja rimwe zita rine masimba akadai. Zvino, iwe uri mavari. Izvi ndizvo zvinonyanya kufadza. Ugere navo. Nzvimbo yaugere iyi ndiyo inogara Vamwari. Saka wava mukuru kuna Satani. Wava mukuru kumachinda erima. Izvi ndizvo zvatinovona muna Vaefeso 2 ndima 6.

Ndiko kusaka tisingaiti zvekurwisana naSatani. Hatiiti zvekumunyengerera. Tinongomudzingira kure. Tinomugarisa kwaakatongerwa. Tinogarisa mwuya yake kwayakatongerwa. Satani uyu akatongwa kare. Mwuya yake yakatongwa kare. Isu tisu tinoita kuti vagare vakavharirwa. Tisu tine simba rekuita izvi. Ikudzo yatakapiwa. Inopiwa kuvanhu vanogara muna Muponesi. Izvi ndizvo zvatavona muna Mapisarema 149 ndima 9. Ndima iyi inoti, “**kuti vaite zvavakatongwa nazvo, zvakanyorwa pamusoro pavo. Ndiko kukudzwa kwavatsvene vose. Rumbidzai Jehovha.**”

Jesu vane mashoko avakataura. Tinoaverenga muna Johane 16 ndima 11. Anoti, "*... muchinda wenyika ino atongwa*". Saka anofanira kugara akavharirwa. Iwe ndiwe unomugarisa akavharirwa kudai. Haafaniri kugona kusimudza musoro. Ndiko kusaka tichifanira kuita wekudzingira kure. Ndizvo zvatinorairwa neBhaibheri. Haufaniri kutambudzwa naSatani. Wava mukuru kwaari. Kumuka kwajesu ndiko kwakaita kuti uve mukuru kwaari. Wava nechigaro chikuru. Vanhu vane chigaro ichi vakuru. Mashoko avo haana anopikisa. Anoita seataurua naMwari pachavo.

Saka chitanga ikozvino. Taura kuna Satani uyu. Taura semunhu anotonga. Ubvise ruvoko rwake paguta rako. Panyika yako. Paimba yako. Nepadunhu raunogara. Iwe ndiwe uri kutonga. Wava kuzikanwa nezita rajesu. Saka une masimba awava nawo. Shandisa masimba aya kufurusa mabasa aSatani aya. Shandisa masimba aya kuparadza mabasa aya. Jesu vane masimba avakakupa. Masimba aya anoita kuti ugone kutonga kudenga. Anoitavo kuti ugone kutonga panyika pano. Izvi ndizvo zvatinovona muna Matyo 28 ndima 18 kusvika 19, Shandisa masimba aya kuranga Satani. Mashandise kuranga mweya yerima. Mwari ngavakudzwe saMwari!

## PUPURA UCHITI

**Ini ndigere pachigaro chaMuponesi. Ichi chigaro chinopiwa Vamwari chete. Vanhu vane chigaro ichi ndivo vanotonga. Ndivo vane masimba ose. Saka ndinotonga Satani. Ndinotonga machinda erima. Ndava kuzikanwa nezita rajesu. Saka ndinotonga zvinhu zvenyika ino. Ndichagara ndichingozvitonga. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

Vaefeso 2:4-6; Mateo 28:18-19; Johane 12:31

#### HWOKURAVA BHAIBHERI MUGORE RIMWE CHETE

Varoma 14-15:1-4 & Mapisarema 90-93

#### HWOKURAVA BHAIBHERI MUMAKORE MAVIRI

Ruka 15:11-19 & Vatongi 20



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHISHANU 13

## SHINGAIRIRA HUMAMBO HWAMWARI



*Vadzidzi vakabva vaenda.  
Vakanoparidza kose kose. Ishe  
vachishanda pamwe navo. Vachiita  
minana. Minana iyi ndiyo yaipupurira  
mashoko avo (Mariko 16 ndima 20).*

Paridza ruponeso. Ruparidze uine shungu. Ishe vanozoita kuti minana iitike. Minana iyi ndiyo inozopupurira mashoko ako aya. Isu takapiwa shoko reruponeso. Ruponeso urwu nderwa Jesu Kristu. Ndirwo rwatinopa kunyika ino.

Ishe vane zvavakatiraira. Gara uchirangarira zvinhu izvi. Tinozviverenga muna Matiyo 10 ndima 8. Vakati, **"Poresai vanorwara. Mutsai vakafa. Natsai vane maperembudzi. Dzingai mweya yakaipa muvanhu. Makangopiwa henyu. Chingopaivo henyu".** Ishe vane simba ravakatipa. Vakatipavo mvumo yekushandisa zita ravo. Saka tinofanira kuita minana. Tinofanira kuita kuti vanhu vavone simba raMweya Mutsvene.

Saka une basa. Iri ibasa rekubatsira kufambiswa kweruponeso. Ita basa iri. Ibasa raunofanira kuraramira. Shumira Ishe. Vashumire zvine shungu. Usatsvaka kuti zvingokunakira chete. Ndiko kuti ivo vakushumirevo. Vanozokushumiravo zvine shungu. Mira navo. Ndiko kuti ivo vamire newevo. Izvi ndizvo zvatinovona muna Matiyo 10 ndima 32. Inoti, **"Ndipupurirei pamberi pavanhу. Ndiko kuti nenі ndigokupupuriraivo pamberi paBaba vangu. Baba ava vari kudenga".**

Bhaibheri rine mamwe mashoko arinotipa. Tinoaverenga muna 2 Vakorinde 5 ndima 14. Anoti, "Nokuti rudo rwaMuponesi ndirwo runotidzora.

Nokutiitisa zvatinoita izvi. Nokuti takavona kuti kana munhu mumwe akafa. Achifira vanhu vose. Kureva kuti vanhu vose vakatofawo". Apostora Pauro ndiye akanyora mashoko aya. Anoti akanga achifarira Ishe. Uye aiva neshungu dzekuti vazikanwe. Ndiko kusaka aiparidza ruponeso kuvanhu.

Ishe vanewe. Vakakutsigira zvakazara. Ruvimbo rwaMwari ruri mumweya mako. Saka wedzera kushingairira ruponeso. Shingairira Mwari. Ita hako semunhu anopenga! Nguva yako zhinji ngaive yekutsvaka kusvitsa ruponeso pasi rose. Shandisa fuma yako kuita izvi. Ramba uchiunza vanhu kuna Ishe. Ramba uchifarira Ishe.

Kune vanounza vanhu kukururama. Vanhu ava vachagara vachipenya. Vachapenya senyeredzi. Vachapenya kudai nekusingaperi. Izvi ndizvo zvinotaura Bhaibheri. Tinozviverenga muna Dhaniyeri 12 ndima 3. Saka svitsa ruponeso kuvanhu. Kunenge kuri kutopenya ikoko. Shingairira ruponeso. Tsvaka kuti rubate hupenyu hwevanhu. Tsvaka kuti rusvike pasi rose. Izvozvo zvoga ndizvo zvinofanira kukukoshera.

## PUPURA UCHITI

**Ndinoshingairira Humambo hwaMwari. Ndinoshuva kuti husvike pasi rose. Nokuti shoko reruponeso rwajesu Kristu isimba. Ndiro simba roga rinogona kuponesa nyika ino. Zvino ini ndini mushambadzi waro. Saka ndiri kushumira Ishe. Mweya Mutsvene vari kupenya pandiri. Vari kupisa mandiri. Ameni.**

### **DZIMWE NDIMA DZINOTSIGIRA CHIDZIDZO CHANHASI:**

Vafiripi 4:15-17; Mateo 6:33; Mabasa Avapostora 20:18-24

**HWOKURAVA BHAIBHERI MUGORE RIMWE CHETE**

Varoma 15:5-13 & Mapisarema 94-98

**HWOKURAVA BHAIBHERI MUMAKORE MAVIRI**

Ruka 15:20-32 & Vatongi 21



Leave comments on today's devotional at  
[www.rhapsodyofrealities.org](http://www.rhapsodyofrealities.org)



MUGOVERA 14

## VANOGARA MUKATI MAKO CHAIMO



*Ini ndiri muna Baba. Ivo Baba vari mandiri. Hauzvibvumi here izvozvo? Mashoko aya. Andiri kukutaurirai. Haasi angu. NdiBaba vari kutaura kwamuri. Baba ava vanogara mandiri. Ndivo zvekare vanoita minana iyi (Johane 14 ndima 10).*

Kristu havasi pauri. Vari mauri. Izvozvo ndizvo zvinoreva kuva Mukristu. Saka Mwari vanogara mukati mako. Ivo Mwari vaya vakuru. Vari mauri netwavo twose. Simba ravo rose riri mauri. Unofanira kunzwisia izvi. Mafungiro ako anozoshanduka. Mararamiro ako anozoshanduka zvachose. Saka unofanira kuzvijaidza kufunga nenzira iyi. Gara uchiziva kuti Kristu vari mauri.

Asi kune vamwe vanhu. Vanhu ava vanongoziva Mwari vari kudenga. Vari kure navo. Saka vanoimba vachiti, "Ndiswedzedzei kwamuri Ishe!" Izvi hazvisi izvo. Mwari ava vari mukati mako. Saka havasi kufanira kukuswedzedza kwavari. Iwe unofanira kufunga saJesu. Jesu ava vaigara vakabatana naMwari Baba. Vakanga vari verudzi rwaMwari. Vachiziva kuti vakanga vakatakura Mwari.

Taverenga mashoko avo mundima yatavhura nayo. Anoti, "... **Baba ava vanogara mandiri ...**". Baba ava ndiMweya Mutsvene. Ndivo vaitaurwa naJesu. Mweya Mutsvene ndiMwari pachavo. Ndivo Baba vanogara mukati mako. Saka havasi kure newe. Vari mauri. Asi kune vamwe vanhu. Vanonamata havo. Asi

vanofunga kuti minamato yavo haina kwainoenda. Minamato yavo haina kwainofanira hayo kuenda. Nokuti Mwari vacho vari mukati mavo. Ndivo Mwari vavanenge vari kunamata kwavari.

Isu tava verudzi rwajesu. Hazvichagoni kuti tipasanurwe navo. Izvi ndizvo zvatinoverenga muna 1 Vakorinde 6 ndima 17. Ndima iyi inoti, **"Asi anenge abatanidzwa nalshe. Anenge ava mweya mumwe navo"**. Ndiko kusaka uchigona kudyidzana navo. Haufaniri kuita vokutsvaka. Uchichema kwavari. Ivo havasi kure. Vanogara mukati mako. Uye iwe unogara mavari. Saka vanewe kose kwaungaenda.

Ivo ndivo musha wako. Iwe wakazvarirwa mavari. Apa ndipo paya pawakazvarwa patsva. 2 Vakorinde 5 ndima 17 inoti, **"Saka kana munhu ava muna Muponesi..."**. Saka unorarama uri mavari. Ivo ndivo vanokupa chimiro chako. Saka shinga. Utaure sajesu. Utu, **"ndiri muna Baba. Uye kuti Baba ava vari mandiri"**. Izvi ndizvo zvatinovona muna Johane 14 ndima 11. Mwari ngavaropafadzwe!

## NAMATA UCHITI

**Baba vandinoda. Ndinokutendai. Makaita musha wenyu mumoyo mangu. Makandiitavo werudzi rwenyu. Saka ndava kudyidzana nemi. Ndinokutendai. Mava kugara muhupenyu hwangu. Uye ndiri kuwedzera kufanana nemi. Muzita rajesu. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

Johane 14:16-18; Vagaratia 4:6; Vakorose 1:26-27

**HWOKURAVA BHAIBHERI MUGORE RIMWE CHETE**

Varoma 15:14-33 & Mapisarema 99-101

**HWOKURAVA BHAIBHERI MUMAKORE MAVIRI**

Ruka 16:1-12 & Rute 1-2



Leave comments on today's devotional at  
[www.rhapsodyofrealities.org](http://www.rhapsodyofrealities.org)

Nora zwierzątka

SHONA

Nyora zwawadzidza

Nyora zwawadzidza



SVONDO 15

## UNOFARIRWA NAMWARI



*Takapiwa fuma yavo. Takaipiwa yose.  
Takapiwa zviri mavari. Takazvipiwa  
zvose. Tikapiwavo nyasha. Nyasha idzi  
dzinogara dzichiwedzerwa  
(Johane 1 ndima 16).*

**K**uda uri mwana waMwari. Izvi zvinoreva kuti Mwari vanokufarira. Unofanira kunzwisia izvi. Wava muna Kristu Jesu. Kureva kuti Mwari vanokufarira. Vakakupa nyasha. Vakakupa nyasha idzi dzakawanda. Bhaibheri rine mashoko arinotipa. Tinoaverenga muna Johane 1 ndima 17. Anoti, “**Mosesi ndiye akaunza mutemo. Asi Jesu Muponesi vakazounza nyasha. Ndivo vakazotijekesera mamiro ezvinhu**”.

Varoma 5 ndima 17 inoti, “**Nokuti kana nokutadza kwemunhu mumwe chete. Rufu rwakatonga muzita remunhu uyu. Mumwe chete iyeye. Akanga atadza wacho. Vaya vakatora nyasha dzakawanda. Vakapiwa chipo chekururama. Chisingabhadharirwi. Vachatongavo muhupenyu huno. Vachishandisa zita remunhu uya. Anonzi Jesu Muponesi**”. Saka takapiwa nyasha. Takadzipiwa dzakawanda. Ndizvo zvatavonavo mundima yatavhura nayo. Hareruya! Saka pota uchitaura uchiti, “Ini ndinofarirwa naMwari”.

Izvi ndizvo zvatinovonavo pana Maria. Akanga ari kukwaziswa nengirozi. Tinoverenga mashoko ayo muna Ruka 1 ndima 28. Ngirozi iyi yakati, “**Ndinokukwazisa! Uri munhu anodikanwa zvikuru ...**”.

SHONA

Mashoko aya ndiwo akashandiswa muna Vaefeso 1 ndima 6. Ndima iyi inoti, “*Vachida kuti nyasha dzavo dzeVamwari dzirumbidzwe. Idzo dzakaita kuti tive vanhu vakakudzwa. Nekufarirwa zvikuru*”. Mundima iyi mune mashoko anoti, “kufarirwa zvikuru”. Mashoko aya anoturikirwa kubva kushoko reChigiriki. Shoko reChigiriki iri nderinoti, “charitoo”. Rinoreva kukudzwa. Rinoreva kufarirwa zvikuru. Saka isu tinofarirwa zvikuru. Ndiko kusaka takaitwa vadikanwa vaMwari. Hareruya!

Jesu Kristu vakakupa nyasha. Vanokufarira zvikuru. Rarama semunhu anofarirwa kudai. Zvinhu zvako zvinozobudirira. Unozowana zvaunoshuva panyika. Matenga anozokudavira. Unozorarama hupenyu hweVamwari. Zvinhu zvako zvose zvinozobudirira. Hareruya!

## PUPURA UCHITI

**Mwari vakandipa nyasha. Vanondifarira zvikuru. Saka ndinorarama hupenyu hweVamwari. Ndinokurira zvinhu zvenyika ino. Ndinorarama semunhu anofarirwa naMwari. Saka zvinhu zvingaitika hazvo munyika. Ini handivhunduki. Saka ndinokudza Mwari saMwari!**

---

### **DZIMWE NDIMA DZINOTSIGIRA CHIDZIDZO CHANHASI:**

---

Johane 1:16; Mapisarema 5:12; Vaefeso 4:7

**HWOKURAVA BHAIBHERI MUGORE RIMWE CHETE**

Varoma 16:1-27 & Mapisarema 102-103

**HWOKURAVA BHAIBHERI MUMAKORE MAVIRI**

Ruka 16:13-18 & Rute 3-4



Leave comments on today's devotional at  
[www.rhapsodyofrealities.org](http://www.rhapsodyofrealities.org)



MUVHURO 16

## NZVIMBO INOGARA VANHU VANE MASIMBA OSE



*Asi Mwari. Ivo vane tsitsi dzakawanda. Nekutida kwavanoita nerudo rukuru. Patakanga tichakafa kudero. Tiri muzvivi. Vakatiraramisa. Vakatiraramisa paya pavakamutsa Muponesi. Nokuti takaponeswa nenyasha. Vakatimutsa pamwe chete naMuponesi. Vakatigarisa kudenga. Pamwe chete navo. Tiri mukati mavo (Vaeleso 2 ndima 4 kusvika 6).*

Jesu vakakwira kudenga. Vakanosvika vachigara kurudyi rwaMwari. Asi isu takanga tiri mukati mavo. Izvi ndizvo zvinotaura Bhaibheri. Kureva kuti tigere pamwe chete navo. Chigaro chavo ndicho cheduvo isu. Chigaro ichi ndicho chine masimba ose. Ndiko kusaka tava kuzikanwa nezita rajesu. Ndiro ratinozikanwa naro panyika pano. Ivo Jesu vari kudenga. Vakatimiririravo ikoko. Isu tinovamiririra panyika. Tichiita kuti zvinodiwa naMwari Baba zviitike panyika pano. Asi kudenga tinozikanwa nezita ravo.

Unofanira kushandisa zita rajesu. Izvi ndizvo zvatinokurudzirwa muna Vakorose 3 ndima 17. Inoti, **"Nezvinhu zvose zvamunoita. Angava mashoko amunotaura. Kana mabasa amungaita. Zviitei makamiririra Ishe Jesu. Muchitenda Mwari. Ivo Baba. Makamira mutsoka dzajesu".** Zikanwa nezita rajesu. Ndiko kuti ukunde muhupenyu. Zvinhu zvenyika ino zvingatsvaka kukukanganisa. Zvingatsvaka kuti usagamuchira Shoko raMwari. Asi iwe unofanira kuzvikurira. Unozvikurira kana uchizikanwa nezita rajesu.

SHONA

Zvirwere zvingatsvaka kukanganisa muviri wako. Usavhunduka hako. Isa ruvoko rwako pamuviri uyu. Wotaura kuzvirwere izvi. Uchizvidzinga mumuviri wako. Zvidzinge wakamira muzita rajesu Kristu. Ndiwe muchengeti wemuviri wako. Saka usarega zvirwere zvichiita zvazvinoda mumuviri wako. Jesu vane mashoko avakataura. Tinoaverenga muna Mariko 16 ndima 17 kusvika 18. Anoti, "***Zvinhu zvinotevera ndizvo zvichavonekwa pane vaya. Vanenge vandigamuchira. ... Vachaporesa varwere. Vanovaporesa nokungovabata nemavoko avo***". Jesu vane zvimwe zvavakatiraira zvekare. Tinozviverenga muna Matiyo 10 ndima 8. Inoti, "***Poresai vanorwara. Mutsai vakafa. Natsai vane maperembudzi. Dzingai mweya yakaipa muvanhu***". Iwe wava muna Kristu. Saka une masimba awava nawo. Shandisa masimba aya. Mashandise kuparadza zvirwere. Mashandise kukurira rufu. Mashandise kukurira zvinhu zvenyika ino.

## PUPURA UCHITI

**Ndigere pamwe chete naMuponesi. Nzvimbo yatigere ndiyo inogara vanhu vane masimba ose. Ndiyo inogara Vamwari. Ndiyo inogara vana changamire. Saka handiregi rima richiita zvarinoda. Handiregi zvirwere zvichiita zvazvinoda. Handina chinondikurira. Handina chinondirwadza. Ndava muna Muponesi Jesu. Uye ndakakunda nyika ino. Hareruya!**

---

### **DZIMWE NDIMA DZINOTSIGIRA CHIDZIDZO CHANHASI:**

---

Ruka 10:19; Vaefeso 2:4-6

**HWOKURAVA BHAIBHERI MUGORE RIMWE CHETE**

1 Vakorinte 1 & Mapisarema 104-106

**HWOKURAVA BHAIBHERI MUMAKORE MAVIRI**

Ruka 16:19-31 & 1Samueri 1



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## REMEKEDZA ZITA RAJESU



*Saka Mwari vakavakudzavo zvikuru.  
Vakavapa zita. Zita iri rakakura  
kudarika mamwe mazita ose. Kuti  
panotaurwa zita rajesu. Mabvi ose  
apfugame. Ezvinhu zviri kudenga.  
Nezviri panyika. Nezviri pasi penyika  
(Vafiripi 2 ndima 9 kusvika 10).*

Jesu vakuru. Vakadarika zvinhu zvose. Vakuru kuvatongi vose. Vakuru kumasimba ose. Zita ravo iguru. Ndiro rinotonga kudenga. Ndiro rinotonga panyika pano. Ndiro zvekare rinotonga pasi penyika. Zvinhu zvose zvinotya zita rajesu. Mweya yetsvina inofugamira zita ravo. Haidi kutorinzwa. Inotiza ikarinzwa. Zvinhu zvinganzwa zita iri. Zvinobva zvatoshanduka.

Iwe unofanira kudzidza kuremekedza zita iri. Ndiko kuti rikurwire. Ndiko kuti ugonevo kurishandisa. Unofanira kukoshesa Jesu. Unofanira kuvashumira. Vashumire salshe wako. Ikoko ndiko kuvaremekedza. Zita ravo rinongoshandira vaya vanoriremekedza. Vanobvuma kutongwa navo.

Kune vamwe vatadzi. Vatadzi ava vanobvuma kuti zita rajesu iguru. Vanobvuma kuti rinodarika mamwe mazita ose. Asi havashumiri Jesu. Uye havateveri Jesu. Nokudero, zita rajesu harivashandiri. Harina zvarinovabatsira. Zvino, iwe ungava Mukristu. Zita rajesu ndiro rinofanira kukutonga. Unofanira

kuvaremekedza. Unofanira kuvararamira. Ndiko kuti zita ravo rikushandire. Izvi ndizvo zvatinovona muna 1 Samueri 2 ndima 30. Inoti, “...**Avo vanondikudza ndichavakudza...**” Jesu vakatauravo zvime chete izvi. Tinoverenga mashoko avo muna Johane 12 ndima 26. Vakati, “... anondishumira ... Achakudzwa naBaba vangu”.

## NAMATA UCHITI

**Zita ralshe Jesu rinoshamisa. Rinoera. Izita remadzimambo. Ini ndava kuzikanwa nezita iri. Iyi ikudzo huru. Jesu ava vakuru. Vakadarika zvinhu zvose. Zvinhu zvose zvinovafugamira. Zvingava zviri kudenga. Zvingava panyika pano. Zvingava pasi penyika. Ndichagara ndichikuyemurai. Ndichagara ndichikukudzai saMwari. Ndichagara ndichikuremekedzai. Ndinoparidza kuti ndimi Mwari vapenyu. Munobera. Mune nyasha. Ndimi Mwari vechokwadi. Ameni.**

---

### **DZIMWE NDIMA DZINOTSIGIRA CHIDZIDZO CHANHASI:**

---

Vafiripi 2:9-11; Mabasa Avapostora 3:16;  
Mateo 10:32-33

#### **HWOKURAVA BHAIBHERI MUGORE RIMWE CHETE**

1 Vakorinte 2 & Mapisarema 107-108

#### **HWOKURAVA BHAIBHERI MUMAKORE MAVIRI**

Ruka 17:1-10 & 1Samueri 2



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHITATU 18

## MWEYA MUTSVENE VANOGARA MAURI



*Ini ndichakumbira Baba. Vachakupai mumwe Mubatsiri. Ndiye achagara nemi nekusingaperi. Ndiye Mweya wezvokwadi. Nyika haigoni kumugamuchira. Nokuti haigoni kumuvona. Uye haigoni kumuziva. Asi imi munomuziva. Ikozvino anemi. Asi achazova mukati menyu (Johane 14 ndima 16 kusvika 17).*

Ini ndakakura ndichitya zvikuru. Ndakanga ndichiri chikomana chidoko. Asi ndakazogamuchira Mweya Mutsvene. Zvinhu zvose zvakabva zvashanduka. Kutya kose kwakabva kwapera. Mweya Mutsvene vakatanga kundidzidzisa Shoko raMwari. Izvi zvakabva zvaita kuti ndishinge.

Mweya Mutsvene vakandipa mashoko ekutura. Ndivo vakava mudzidzisi wangu. Vakatanga kunditungamirira. Pamwe nekundiraira. Vakatanga kunditaridza zvekuita. Vakandibatsira kunzwisia Magwaro. Hupenyu hwangu hwose hwakabva hwashanduka. Ndakatanga kuziva rudzi rwangu. Ndikazivavo kwakanga kwakananga hupenyu hwangu.

Izvi zvinogona kuitika kumunhu wose. Mwari havasaruri vanhu. Ndizvo zvatinoziviswa neBhaibheri. Tinozviverenga muna Mabasa 10 ndima 34. Saka Mwari vangaitira mumwe munhu chimwe chinhu. Zvinenge zvichireva kuti vanogona kuchiitira ani zvake. Vanochiita kana munhu uyu achifaniravo kuchiitirwa. Asi iwe ungada kuitirwa chimwe chinhu. Hapana anogona kunge akamboitirwa chinhu chakadai. Ivo vanongokuitira zvakader. Vanokuitira kana uchifanira kuchiitirwa.

Kuda wakavora moyo. Hauchina chauchatarisira muhupenyu hwako. Vanhu vanogona kunge vasisadi

SHONA

kukubatsira. Unogona kunge uri iwe woga ari kutambura. Zvinhu zvevamwe zvinogona kunge zviri kufamba zvakanaka. Izvi zvinogona kunge zviri kuitika mumhuri mako. Kunogona kunge kuri kuchikoro. Kunogona kunge kuri kubasa kwako. Vanogona kunge vari vanhu vezera rako. Saka unogona kunge wava kunetseka. Uchizvibvunza. Uchiti, "Chii chandingaitavo kuti zvinhu zvangu zvifambe? Kuti ndichabudiriravo sevamwe here ini?" Hongu. Uri muna Kristu. Saka zvinhu zvako zvinogona kunaka.

Haufaniri kuita zvekutamburira. Wakagamuchira Mweya Mutsvene here? Unofanira kunzwisia kuti Mweya Mutsvene ava vanogara vainewe. Dzidza kudyidzana navo. Dzidza kutandara navo. Gara uri paShoko ravo. Gara uchinamata. Unenge uri kutotandara naMweya Mutsvene. Vimba naMweya Mutsvene. Ivo vanogona kuita kuti ubudirire muhupenyu. Vanogona kuita kuti urarame hupenyu hwawakarongerwa naMwari. Varege vashande muhupenyu hwako. Gara uchinamata nendimi. Ita zvavanokuraira. Vanozoita kuti ubudirire. Unozobudirira muzvinhu zvose.

## NAMATA UCHITI

**Ishe wangu. Mune nyasha. Mune tsitsi. Ndimi dombo rangu. Ndimi ruponeso rwangu. Ndinovimba nemi nemoyo wose. Munonatsa zvinhu zvose. Makavhura meso angu. Hapana chandinovona ndichikoniwa kuita. Mweya venyu vava kugara mukati mangu. Saka mandiri mavala nerunako. Muzita rajesu. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

Johane 14:26; 2 Timotio 1:7; Mabasa Avapostora 1:8

#### HWOKURAVA BHAIBHERI MUGORE RIMWE CHETE

1 Vakorinte 3 & Mapisarema 109-112

#### HWOKURAVA BHAIBHERI MUMAKORE MAVIRI

Ruka 17:11-19 & 1Samueri 3



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHINA 19

## VIMBA NESHOKO RAMWARI



*Munhu angagamuchira  
Mwanakomana. Munhu wakadai  
anowana hupenyu husingaperi.  
Asi mumwe angasateerera  
Mwanakomana. Munhu  
wakadai haangavoni hupenyu.  
Asi acharangwa naMwari.  
Vachamuranga vakatsamwa  
(Johane 3 ndima 36).*

Kune vanogara vachichema. Vachiti,  
"Ndakanamata. Ndakataura Shoko raMwari.  
Ndakaisa mipro. Asi zvinhu zvangu hazvisi  
kushanduka". Vanhu ava vanenge vari kunetseka  
kuvimba naMwari. Vanenge vasina kujaira kuvimba  
neShoko raMwari.

Unofanira kujaira kuvimba neShoko. Dzidza  
kushandisa ruvimbo. Ungazogara uchingotambura.  
Tine bhuku ratinaro. Rinonzi "Zvinodiwa Kuti  
Ruvimbo Rwako Rushande". Verenga bhuku iri.  
Ndiko kuti unzwisise kushandisa ruvimbo rwako.  
Zvinhu zvinogona kumbowoma hazvo. Unogona  
kunge uri kusangana nezvinhu. Zvinhu izvi zvinogona  
kunge zvichipesana neShoko raMwari. Haufaniri  
kunetseka panguva dzakadai. Ingogara pfungwa  
dzako dziri paShoko raMwari. Usaisa pfungwa dzako  
pane zvaunenge uri kusangana nazvo izvi. Dziise  
paShoko raMwari. Shoko iri rinozokurira zvinhu izvi.  
Rinozokukundisa.

Ruvimbo rwako isimba. Ndiro simba rinokukundisa.  
Rinokukundisa zvinhu zvose zvehupenyu. Ndizvo  
zvatinoverenga muna 1 Johane 5 ndima 4. Ndima iyi  
inoti, "**Nokuti chihu chinozvarwa naMwari. Chose  
zvacho. Chinokunda nyika ino. Uye ruvimbo rwedu  
muna Mwari. Ndiro simba rinokunda nyika ino**".

SHONA

Ramba uchivimba neShoko raMwari. Asi ungabvunza. Uchiti, "Ko, kana izvozvo zvikashanda?" Vimba neShoko raMwari chete. Zvinoshanda. Hazviregi. Kunze kwekunge usiri hako kuvimba naro zvakazara.

Vimba neShoko raMwari. Ndiko kuti simba raMwari rikushandire. Simba iri iguru. Rarama semunhu anovimba neShoko raMwari. Ndiko kuti ukunde. Ndizvo zvatinotaridzwa muna Jemusi 2 ndima 17 na26. Saka taura semunhu anovimba neShoko raMwari. Uitevo zvinhu zvako semunhu anovimba neShoko raMwari. Hapana chinhu chinofanira kukubvisa pakuvimba neShoko iri.

Ungavimba neShoko raMwari. Asi ruvimbos rwako urwu rungava rudoko. Rungaita setsanga doko doko. Izvozvo hazvina basa. Hapana chaunozokoniwa kuita zvakadero. Izvi ndizvo zvatinoverenga muna Matiyo 17 ndima 20. Saka fara hako. Wakatokunda kare. Hareruya! Ingoshandisa Shoko raMwari. Rishandise pakurarama kwako. Zvinhu zvako zvinozofamba zvakanaka.

## PUPURA UCHITI

**Shoko raMwari riri mumoyo mangu. Uye ndinogara ndichiritala nemuromo wangu. Saka ndiri kukunda. Ndiri munhu werudzi rweVamwari. Saka ndinokurira Satani. Ndinokurira zvinhu zvenyika ino. Ndinovimba neShoko raMwari. Saka ndinogara ndichikunda. Simba raMweya Mutsvene riri kushanda mandiri. Saka hapana chandisingagoni kushandura. Hapana chandisingagoni kuwana. Hapana chandisingagoni kuita. Ameni.**

---

### **DZIMWE NDIMA DZINOTSIGIRA CHIDZIDZO CHANHASI:**

---

Marko 11:22-23; Varoma 4:18-21

**HWOKURAVA BHAIBHERI MUGORE RIMWE CHETE**

1 Vakorinte 4 & Mapisarema 113-116

**HWOKURAVA BHAIBHERI MUMAKORE MAVIRI**

Ruka 17:20-30 & 1Samueri 4



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHISHANU 20

## IVA MUNHU ANE MOYO WAKACHENA



*Newewo mwanakomana wangu  
Soromoni, ziva Mwari wababa vako,  
uye umushumire nomwoyo wose uye  
nepfungwa dzako dzose, nokuti Jehovha  
anonzvera mwoyo uye anonzwisia  
chinangwa chipi nechipi chiri  
mupfungwa....  
(1 Makoronike 28 ndima 9).*

Ungaitira Ishe chimwe chinhu. Usangochiita chete. Chiite nemoyo wakachena. Haufaniri kunge uri kutsvaka kungozvifadza iwe pachako. Mwari vanoongorora moyo yose. Vanonzwisia zvinofungwa nevanhu. Vanovona zviri mupfungwa dzedu. Saka vanoda moyo yakachena. Vanoda vanhu vanoita zvinhu zvavo nemoyo wose. Ndizvo zvavakataura zvekare muna 2 Vakorinde 8 ndima 12. Inoti, “**Nokuti kana chido chiripo, chipo chinogamuchirwa ...**”.

Bhaibheri rinotauravo pamusoro paAmaziya. Uyu akanga ari mambo. Ane zvinhu zvaakaita. Zvinhu izvi zvakanga zvakanaka hazvo. Asi haana kuzviita nemoyo wakachena. Izvi ndizvo zvakataurwa naMwari. Tinozviverenga muna 2 Makoronike 25 ndima 2. Asi ungada kuti Mwari vawane moyo wako wakarurama. Ungada kuti vakuwane uchifarira kuita zvavanotaura. Chii chaunofanira kuita? Unofanira kushandisa Shoko ravo. Moyo wako unofanira kubvuma kutongwa neShoko raMwari. Unofanira kunge wakatsaurirwa Mwari. Unofanira kunge usina tsvina yenyika ino. Unofanira kunge uri kutungamirirwa naMweya Mutsvene. Ndiko kuti moyo uyu uve wakachena. Ndiko kuti ufarire Mwari.

Bhaibheri rine zvarinotitaurira. Tinozviverenga muna 2 Vakorinde 4 ndima 6. Rinoti, “**Nokuti Mwari vaya. Vakaraira chiedza kuti chinyuke kubva murima. Chichivheneka. Vakapenyavo mumoyo yedu ...**”. Mwari vakaita izvi sei? Vakashandisa Shoko ravo. Shoko

ravo ndiro rinovhēnēka mumoyo yedu. Nokudero, rinoita kuti tinzwisise zvavanofarira. Varoma 12 ndima 2 inoti, "***Musafanana nenyika ino. Asi vandudzai mafungiro enyu. Kuti mugoshanduka. Mugone kuziva kuda kwaMwari kwakanaka. Kwavanogamuchira. Kwakakwana***". Unofanira kunzwisia Shoko raMwari. Ndiko kuti ugoziva pfungwa dzavo. Ndiko kuti uwane mazano avo. Ndiko kuti uzive mavonero avanoita zvinhu.

Ndiko kusaka uchifanira kudzidza Magwaro. Ndiko kusaka uchifanira kuaziva. Ndiko kusaka Jesu vakatiyambira. Tinoverenga mashoko avo muna Matiyo 22 ndima 29. Vakati, "***Hamunzwisisi Magwaro. Uye hamunzwisisi kushanda kwaMwari. Ndiko kusaka muchirasika kudai***". Saka unofanira kunzwisia Magwaro. Ndiko kuti ugone kushumira Mwari nomazvo. Asi Magwaro aya anofanira kupinda mumweya mako. Anofanira kurovedzera pfungwa dzako. Shingaira kudzidza Magwaro. Uchitsvaka mazano aMweya Mutsvene. Mazano aya ndiwo anozokutungamirira. Anozokutungamiriravo kushumira Mwari nomazvo. Anozokutungamiriravo kushumira Mwari nemoyo wakachena. Nemoyo wako wose.

## PUPURA UCHITI

**Moyo wangu unofarira Mwari. Unotsvaka kuwashumira nomazvo. Nekuvafadza nguva dzose. Ndava kunzwisia Shoko ravo. Saka rudo ndirwo rwava kundituma kuwashumira. Ndirwo rwava kundituma kushanda muHumambo hwavo. Rudo urwu ndirwo runovonekwavo pakushumira kwangu kose. Shoko raMwari rinogara richindizivisa zvinofungwa naMwari. Muzita rajesu. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

1Samueri 16:7; Zvirevo 23:26

**HWOKURAVA BHAIBHERI MUGORE RIMWE CHETE**

1 Vakorinte 5 & Mapisarema 117-118

**HWOKURAVA BHAIBHERI MUMAKORE MAVIRI**

Ruka 17:31-37 & 1Samueri 5-6



Leave comments on today's devotional at  
[www.rhapsodyofrealities.org](http://www.rhapsodyofrealities.org)

## SHOKO RAMWARI RINOROVEDZERA MWEYA WAKO



*Musafanana nenyika ino. Asi vandudzai  
mafungiro enyu...  
(Varoma 12 ndima 2).*

**S**hoko raMwari rinogona kurovedzera mweya wako. Kurovedzera uku kwakakosha zvikuru. Kunokusiya wava kufunga saMwari. Ndiko kusaka tichikurudzirwa kugara pfungwa dzedu dziri paShoko raMwari. Izvi ndizvo zvinovandudza pfungwa dzedu. Zvinotipa mafungiro matsva. Zvinoshandura mavonero atinoita zvinhu.

Unofanira kugara pfungwa dzako dziri paShoko raMwari. Uchiridzeya mumoyo mako. Shoko iri rinozopinda mumweya mako. Richishandura mavonero aunoita zvinhu. Zvichizoshanduravo mararamiro aunoita. Zvinhu zvingazotsvaka hazvo kukubvisa paShoko raMwari iri. Asi hazvizokwanisi. Nokuti mweya wako unenge warovedzerwa.

Únogona kunge uri munhu anotya. Gara pfungwa dzako dziri paShoko raMwari. Fungisia pamusoro pendima yakaita sa2 Timoti 1 ndima 7. Ndima iyi inoti, "**Nokuti Mwari havana kutipa mweya wekutya. Asi wesimba. Nerudo. Newekugona kuzvidzora**". Iwe wochibva wagara uchitaura uchiti, "Pfungwa dzangu dzinoshanda zvakanaka. Ndakashinga. Handina chandinotya. Ndine simba rakawanda". Shoko iri rinozorovedzera mweya wako. Rinozougwinyisa. Rinozousiya usisina chaunotya. Iwe uchizosara wava kuvimba naMwari zvakazara. Uchigona kuita zvaunorairwa mumweya. Ndizvo zvandakaita ini. Shoko raMwari rakarovedzera mweya wangu. Ndava kufunga semunhu wemuHumambo hwaMwari. Ndava munhu akashinga chaizvo. Handina chandinotya. Uye hapana chingashandura zvandava izvi.

Shoko raMwari rine hupenuy hwarinokupa. Hupenuy uhu hunoshamisa. Shoko iri rinofanira kugara mukati mako. Njodzi dzenyika ino hadzizogoni kukukurira. Shoko raMwari rinenge rakushandura.

SHONA

Saka unenge wava kungozviona semunhu anokunda. Asina chaangakoneswa kuita. Asina chaangakoneswa kuwana. Saka ungazoita chinhu. Chinhu ichi chinozobudirira chete. Hupenuy hwako hunenge hwoyevedza. Hwava nenyasha.

Ungazosangana hako nezvinhu. Zvinhu izvi zvingatsvaka kukukanganisa. Asi hauzovhunduki. Ungarwiswa hako nevanhu. Hauzovhunduki. Shoko raMwari rinenge rarovedzera mweya wako. Saka unenge wava kunzwisia kuti hapana chingamirisana newe chikakukunda.

Tutira Shoko raMwari mukati mako. Ndizvo zvatinorairwa muna Vakorose 3 ndima 16. Inoti Shoko raMwari rinofanira kugara mukati medu. Rinofanira kugaramo rakawanda. Saka gara uchidzidza Shoko raMwari. Uchigara pfungwa dzako dziri pariri. Shoko iri richigaravo riri mupfungwa dzako. Shoko iri rinozovhengana nemweya wako. Rinozowanda mauri. Richikurira zvinhu zvaunosangana nazvo. Iwe unozopedzisira wava munhu anogara achifara. Uine hutano hwakanaka. Wakasimba. Mwari ngavarumbidzwe!

## PUPURA UCHITI

**Shoko raMwari rakashandura mafungiro angu. Rakarovedzera mweya wangu. Ndava kunzwisia kuti ndiri munhu anoremekedzwa. Anobudirira pane zvose zvaanoita. Werunako. Ndakashinga zvikuru. Handina chandinotya. Ndinovimba naMwari zvakazara. Handityi kuita zvavanondiraira. Mazano angu ndeemuHumambo hwaMwari. Shoko raMwari rakarovedzera pfungwa dzangu. Rakarovedzera mweya wangu. Saka zvarinotaura ndizvo zvandinongoziva. Mwari ngavakudzwe saMwari!**

---

### **DZIMWE NDIMA DZINOTSIGIRA CHIDZIDZO CHANHASI:**

---

Varoma 12:2; Joshua 1:8; Vakorose 3:16

**HWOKURAVA BHAIBHERI MUGORE RIMWE CHETE**

1 Vakorinte 6 & Mapisarema 119:1-112

**HWOKURAVA BHAIBHERI MUMAKORE MAVIRI**

Ruka 18:1-8 & 1Samueri 7-8



Leave comments on today's devotional at  
[www.rhapsodyofrealities.org](http://www.rhapsodyofrealities.org)

Nora zwierzątka

SHONA

Nyora zwawadzidza

Nyora zwawadzidza

## KUTONGA MUKURRAMA



*Nokuti kana nokutadza kwemunhu  
mumwe chete. Rufu rwakatonga muzita  
remunhu uyu. Mumwe chete iyeye.  
Akanga atadza wacho. Vaya vakatora  
nyasha dzakawanda. Vakapiwa chipo  
chekururama. Chisingabhadharirwi.  
Vachatongavo muhupenyu huno.  
Vachishandisa zita remunhu uya.  
Anonzi Jesu Muponesi  
(Varoma 5 ndima 17).*

Vana vaMwari madzimambo. Mumwe nemumwe wavo ndimambo. Anotonga panyika pano. Asi anotonga semunhu akarurama. Kururama isimba. Isimba rinoita kuti munhu agone kumira pamberi paMwari. Anomirapo asinganzwi semunhu akasemwa. Achigona kudyidzana naMwari. Mweya wake wakarurama. Isu takarurama. Ndiko kusaka tichigona kuvimba naMwari. Tinovimba naMwari zvakazara. Uye takashinga kuita zvose zvavanotiraira.

Ndiko kusaka tichigona kuvakumbira zvatinoda. Tinovakumbira takashinga. Takamira muzita rajesu. Tinogonavo kudzika mitemo. Mitemo iyi inobva yatoshandza. Inoshanda mumweya. Kururama kwavo ndiko kwatinako. Hakuna kubva pane zvatakaita isu. Kwakabva pane zvakaitwa najesu. Saka takarurama saivo. Iwe wakanga usina chawaita. Asi Mwari vakangokushambadza semunhu akarurama. Vachitotaridza kururama kwavo mukuita izvi. Izvi ndizvo zvatinoverenga muna Varoma 3 ndima 26. Inoti, "Kuti kururama kwavo kuratidzwe panguva ino. Kuti ivo vave vakarurama. Nemururamisi wevanenge vagamuchira Jesu". Hareruya!

Kururama kunottiita vana changamire. Kunoita kuti tigone kutonga. Iwe hausi munhu akakurirwa. Wava muna Kristu Jesu. Saka unogara uchikunda. Johane akanga achinzwisia izvi. Tinoverenga mashoko ake muna 1 Johane 4 ndima 4. Akati, "**Vana vadoko. Imi makazvarwa naMwari. Saka makakurira mweya yose iyi. Nokuti ari mamuri uyu. Ndiye mukuru. Akadarika uya. Ari munyika ino**".

Mwari vakarurama. Ndihwo hunhu hwavo ihwohwo. Vakaisayo hunhu uhu mauri. Ndiko kusaka wava werudzi rwavo. Saka wava kugona kufunga savo. Wava nemavonero avo. Uye wava kugona kutaura saivo. Wava muna Kristu. Saka wava werudzi rwaMwari. Ndima yatavhura nayo yati, "... Vaya vakatora nyasha dzakawanda. Vakapiwa chipo chekururama. Chisingabhadharirwi. Vachatongavo muhupenyu huno. Vachishandisa zita remunhu uya. Anonzi Jesu Muponesi". Une nyasha dzawakapiwa. Nyasha idzi dzinoita kuti ugone kutonga Satani. Dzinoita kuti ugone kutonga zvinhu zvenyika ino.

Ivo vakatiita madzimambo. Vakatiitavo vapiri. Nekudero tichatonga panyika pano. Izvi ndizvo zvinotaura Bhaibheri. Madzimambo ane matongero aanoita. Anongoita zvekutaura chete. Anongodzika mitemo. Izvi ndizvo zvatinovona muna Muparidzi 8 ndima 4. Inoti, "**Nokuti shoko ramambo rine simba; ndiani angati kwaari, 'Munoiteiko?'**" Saka wava kugona kudzika mitemo. Mitemo iyi inobva yatoshanda mumweya. Izvi ndizvo zvinotaura Bhaibheri. Tinozviverenga muna Jobo 22 ndima 28.

## NAMATA UCHITI

**Baba vanoera. Baba vakarurama. Ndinokutendai. Makandipa kururama kwenyu. Saka ndava kugona kumira pamberi penyu. Ndinomirapo ndisinganzwi sendine mhosva. Ndisinganzwi sendinosemiwa. Ndisinganzwi sendisingakodzeri. Ndisinganzwi sendine mhosva yandakapara. Ndinotonga zvinhu zvenyika ino. Ndinozvitonga semunhu akarurama. Ndichiita kuti zita renyu rikudzwe seraMwari. Ndinogara ndichikunda. Imi muchivonekwa pandiri. Muzita rajesu. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

Varoma 5:17; Varoma 5:20-21; Zvakazarurwa 5:10

---

#### HWOKURAVA BHAIBHERI MUGORE RIMWE CHETE

---

1 Vakorinte 7 & Mapisarema 119:113-176

---

#### HWOKURAVA BHAIBHERI MUMAKORE MAVIRI

---

Ruka 18:9-17 & 1Samueri 9



Leave comments on today's devotional at  
[www.rhapsodyofrealities.org](http://www.rhapsodyofrealities.org)

## KUTEERERA KWAKAKOSHA



*Vakanga vakafanana nevamwe vanhu vose. Saka vakazvininipisa. Vakabvuma kuurawa. Vachiurairwa pamuchinjikwa (Vafiripi 2 ndima 8).*

Mwari vane nzira dzavanoita nadzo zvinhu zvavo. Vane mitemo yavo. Vane zvirango zvavo. Asi kune vasinganzwisisi izvi. Saka vanotsvaka kuita chero zvavada ivo. Bhaibheri rinojambira vanhu vakadai. Tinoverenga yambiro yacho muna Zvirevo 14 ndima 12. Inoti, "Munhu anoona nzira achiti yakurrama; Asi kuguma kwayo inzira dzorufu". Kuteerera Mwari kwakakosha. Unofanira kutevera nzira dzavo. Usaita zvinhu zvemusoro wako.

Izvi ndizvo zvatinovona pana Adhama. Adhama haana kuteerera Mwari. Izvi zvakabva zvaunza rufu panyika. Ndizvo zvatinoziviswa muna Varoma 5 ndima 17. Inoti rufu urwu rwakatanga kutonga panyika. Ndirwo rwakanga rwtova mambo. Munhu mumwe ndiye akanga apanduka. Zvikabva zvaita kuti vanhu vose vaparatzwe. Asi hazvina hazvo kuzogumira ipapo. Kristu vakazouyavo. Vakaita zvinhu zvakarurrama. Vanhu vose vakabva vachenurwa. Vakabva vapiwa mukana wekuva veropa reVamwari. Jesu vakanga vateerera Mwari. Jesu ava ndemumwe Adhama. Ndivo Adhama wechipiri. Uye ndivo Adhama wekupedzisira.

Tine ndima yatavhura nayo. Ndima iyi ine mashoko ayatipa. Yati Jesu "**Vakanga vakafanana nevamwe vanhu vose. Saka vakazvininipisa. Vakabvuma kuurawa. Vachiurairwa pamuchinjikwa**". Jesu vanotova Mwari pachavo. Unofanira kurangarira izvozvo. Asi havana kupandukira Mwari Baba. Vakaramba vachivateerera. Kunyangwe zvazvo

kuteerera uku kwakatozovauraisa. Vakaurawa vachiita zvekuroverwa pamuchinjikwa. Mwari vakavona kuteerera uku. Havana kugona kushaya hanya nako. Ndizvo zvatinovona muna Vafiripi 2 ndima 9. Inoti, "**Saka Mwari vakavakudzavo zvikuru. Vakavapa rimwe zita. Zita iri rakakura kudarika mamwe mazita ose**". Jesu vakabva vapiwa chigaro. Chigaro ichi chakakura. Chinodarika zvime zvigaro zvose. Vakachipiwa nokuti vakanga vateerera Mwari. Mwari ngavakudzwe saMwari!

Kuteerera kunounza maropafadzo. Kwakakosha zvikuru munyika yemweya. Ungava wakazvarwa patsva. Izvi zvinoreva kuti wava nemweya unoteerera. Isu tava vana vanoteerera. Izvi ndizvo zvinotaura Bhaibheri. Tinozviverenga muna 1 Pita 1 ndima 14. Saka wava kugona kurarama neShoko raMwari. Wava kugona kutungamirirwa neShoko raMwari. Wava kugona kuteerera Mweya Mutsvene. Uhu ndihwo hwatova hupenyu hwako.

## NAMATA UCHITI

**Hupenyu hwangu hwakatsaurirwa imi. Iyemi Baba vandinoda. Ndinokutendai. Munondida. Munondifarira. Uye ndava werudzi rwenyu. Ndichaита kuti vanhu vakukudzei saMwari. Vazive kuti imi muri Mwari. Ndichikushumirai nemoyo wose. Ndichichengeta Shoko renyu. Ndichirarama hupenyu hwamakandirongera. Ndichiita mabasa akurarama. Muzita rajesu. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

1 Petro 1:13-14; Vafiripi 2:5-10

**HWOKURAVA BHAIBHERI MUGORE RIMWE CHETE**

1 Vakorinte 8 & Mapisarema 120-127

**HWOKURAVA BHAIBHERI MUMAKORE MAVIRI**

Ruka 18:18-27 & 1Samueri 10



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## USAMHURA VAMWE



*Saizvozvo chiedza chenyu  
ngachivhenekere pamberi pavanhu.  
Kuti vavone mabasa enyu akanaka.  
Vagokudza Baba venyu vari kudenga.  
Nokuziva kuti Baba aya. Ndivo Mwari  
(Matiyo 5 ndima 16).*

Usamhanyira kureva mhosho dzevamwe. Vanhu ava vanogona havo kunge vari kuita zvisina kunaka. Asi usavamhura. Usavasema. Jesu ndivo vanoziva mhosho dzevanhu. Iroro rinotova basa ravakapiwa. Ndizvo zvatinoverenga munja Mabasa 10 ndima 42. Inoti, “**ndiye akagadzwa naMwari. Kuti ave mutongi wevanhu. Achitonga zvose vapenyu. Nevakafa**”. Saka Jesu ndivo mutongi chaiye. Asi mutongi aine tsitsi.

Musangano rako mungaya nevamwe vanhu. Vanhu ava vanogona kunge yasiri kurarama nomazvo. Usavamhura. Usavasvorā. Usavasema. Iva chiedza kwavari. Ndiko kuti vapinde mugwara rakanaaka. Ndizvo zvakataurwa naJesu. Tazviverenga mundimba yatavhura nayo. Yati, “Saizvozvo chiedza chenyu ngachivhenekere pamberi pavanhu. Kuti vavone mabasa enyu akanaka. Vagokudza Baba venyu vari kudenga. Nokuziva kuti Baba avā. Ndivo Mwari”.

Kune vamwe vasingararami nomazvo. Asi kuda imhaka yekuti chiedza chako hachisi kuvavhenekera zvakajeka. Saka kune vamwe Vakristu. Vakristu ava yanofunga kuti vanonzwisisa zvinhu zvemweya. Asi ivo vachingokoshesa zvavanovona nemeso chete. Saka vanosvora vamwe Vakristu. Vanosvora mararamiro avo. Iwe haufaniri kudero. Mumwe munhu angaita hake mhosho. Asi iwe haufaniri kubva watomusvora. Haufaniri kubva watomutora sekuti haasi Mukristu. Jesu vakabhadharijavo mhosho dzake. Ndivo yakatakura mhosva dzedu tose. Saka ndivo voga vakakodzera kuvona mhosva dzevanhu. Ivo vanodzivona havo. Asi havaja wavanosvora. Havana wayanosema.

Bhaibheri rinosimbisa izvi. Tinoverenga mashoko aro muna Varoma 8 ndima 1. Inoti, “**Nokuti vanhu yaya. Vari muña Muponesi Jesu. Iyayo vasingatungamirirwi nemiviri yavo. yenyama pakurarama kwavo. Asi vapotungamirirwa naMweya Mutsvene. Hayachina mhosva yavachapiwa**”. Asi kune vaphu vanokoshesa zvenyika ino chete. Vanhu vakadai ndivo vanongovona kushata kwevamwe. Vanhu vacho vanogona kunge vatadza havo. Asi moyo yavo inogona kunge yakurarama. Vanogona kunge Yachitova neshungu dzekufadza Mwari. Vanenge vachingoda kubatsirwa chete. Vanenge

vachitodzoreka nyore.

Izvi ndizvo zvakanga zvakaita Dhavidhi. Dhavidhi akaita zyinhu zvakashata. Asi aiya nemoyo wakanaka. Aidzoreka nyore. Saka Ishe vakamukanganwira. Izvi ndizvo zvatinoverenga muna 2 Samueri 12 ndima 1 kusvika 13. Verenga nhoroondo iyi. Sauro akanga asina kudai. Akamböita chinhu chakashata. Akabya atsiurwa. Asi iye haana kutendeuka. Akabva atsvaka kuzyichenura. Mwari vakabva vamutšamwira. Nhoroondo iyi tinoiverenga muna 1 Samueri 15. Iverenge yose.

Masangano edu haasi evanhу vakachena chete. Aripo kuchenesa vanhu. Iwe wakasungunuka kuuya kumasangano aya. Huya uiine tsvina yako. Shoko raMwari ndiro richakugeza. Rinokusiya wachena. Mukereke mune vashumiri. Vashumiri ava vari mumapoka mashanu. Izvi ndizvo zyatınoverenga muna Vaefeso 4 ndima 11 kusvika 12. Vashumiri ava varipo kuchenesa vatsvene. Vanovachenesa kuti vagone kushumira Mwari zvakakanaka. Vashumirj ava varipovo kusimbisa muviru waKristu.

Munhu angava musangano. Munhu uyu angatadza hake. Asi hatifanri kumusema. Jesu havana wavaiseema. Tinongomudzidzisa Shoko raMwari. Shoko raMwari ndiro rinodzora munhu. Ndiro ronomupinza mugwara. Izvi ndizvo zvatinovona muna 2 Timoti 3 ndima 16 kusvika 17. Saka dzidzisa vanhu ruponeso. Usananga mhosva dzavo. Usavasvora. Usavasema.

## PUPURA UCHITI

**Moyo wangu uzere rudo rwaMwari. Rudo urwu rwakadirwamo naMweya Mutsvene. Mweya Mutsvene ava ndivo vanondibatsira kufambidzana nevamwe. Vanoita kuti ndifarire vanhu. Vanoita kuti ndivaitire nyasha. Ndinovona vanhu sevakakosha. Saka ndinoshandisa Mweya Mutsvene kuvashandura. Ndinovashandura nenyasha dzaMwari. Ndinoita kuti vavone Kristu mandiri. Chiedza changu chinopenya chaizvo. Chinokwevera vanhu kukururama kwaMwari. Kururama uku kunovonekwa pandiri. Muzita rajesu. Ameni.**

### **DZIMWE NDIMA DZINOTSIGIRA CHIDZIDZO CHANHASI:**

Mateo 7:1-2; Vaefeso 2:4-5; Ruka 6:37

### **HWOKURAVA BHAIBHERI MUGORE RIMWE CHETE**

1 Vakorinte 9 & Mapisarema 128-134

### **HWOKURAVA BHAIBHERI MUMAKORE MAVIRI**

Ruka 18:28-34 & 1Samueri 11-12



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHITATU 25

## TORA MUFANANIDZO URI MUSHOKO RAMWARI



*Asi isu tose. Tiine zviso zvisina kufukidzirwa. Tichitarisa mufananidzo uya. Werudzi rweVamwari. Uri muchivoni voni. Tinoshandurwa zvimiro naMweya walshe. Humwari hwedu huchiwedzera. Kusvika tafanana nemufananidzo iwoyo. Watinenge tiri kuvona muchivoni voni ichi (2 Vakorinde 3 ndima 18).*

Mundima iyi mune shoko rekuti "chivoni voni". Shoko iri rinoturikirwa kubva kushoko reChigiriki. Shoko reChigiriki iri nderinoti, "katoptrizomai". Rinoreva kuvona mufananidzo wako pamwe panhu. Wobva watora mufananidzo iwoyo. Mufananidzo uyu yuri muShoko raMwari. Ndiwo mufananidzo watinofanira kutora.

Ungava uri kudzidza Shoko raMwari. Uchirifungisisa. Uchiridzeya mumoyo mako. Unenge uri kutovona mufananidzo wako. Zyebare, unenge uri kutora mufananidzo uyu. Mufananidzo uyu unenge uri waMwari. Saka iwe unoFanira kugara uchidzeya Shoko raMwari. Ridzeye mumoyo mako. Gara pfungwa dzako dziri pariri. Shoko iri rinozopinda mumweya mako. Robva radzika midzi imomo. Royhengana nemweya wako. Richibva rakutaridza mufananidzo waMwari. Rinoutaridza kupfungwa dzako.

Kuda wanga uchitunga kuti uri mutadzi. Uchitovivona seune zvivi zvakasviba chaizvo. Asi wobva watariša muShoko raMwari. Wobva wavona kuti wava kururama kwaMwari. Warurama saKristu Jesu. Hauna mhosva yauchiri kupomerwa. Mwari vakakuchenura. Izvozvo zvinofanira kubva zvakushandura. Wobva wazvivona washanduka. Wobva watanga kurarama semunhu akarurama.

Kuda wakanzi haunā chauchabudisa muhupenyu. Kuda uri murombo. Asi, izvi hazvisi izvo zvinotaura Shoko raMwari. Shoko iri ndiro rinokutaridza zvauri chaizvo. Ndiro rinokutaridza mufananidzo wako. Tinoverenga mashoko aro muna 1 Pita 2 ndima 9. Rinoti, "Asi imi muri rudzi rwakasanangurwa. Madzimambo. Vapirij. Rudzi rutsvene. Vanhu vaakazviwanjra. Kuti vanokuvonai varumbidze Mwari. Iye akakutorai. Akakubvisai murima. Akakupinzai muchiedza chake

SHONA

chinoshamisa". Izvi ndizvo chaizvo zwawava. Ndizvo zvaunofanira kugamuchira. Hareruya!

Satani anogopa kunge ari kukushungurudza. Anogona kunge ari kukushungurudza hušiku. Unogona kunge wava nemazuva akawanda uchishungurudzwa kudai. Saka kuda wanga wava kutsvaka kušuhgunurwā kubva kwaari. Asi wobva watarisa muShoko raMwari. Woverenga Vakorose 1 ndima 12 kusvika 13. Inoti, "Muchitenda Baba. Ivo vakaita kuti tikodzere kupiwa fuma yevatsvene. Iya inopiwa vari muchiedza. Ivo Baba vaya. Vakatisungunura. Ndokutibvisá munzvimbo inotongwa nerima. Vakatiisa munzvimbo iya, Inotongwa neMwanakomana wavo. Wavanofarira zvikuru". Chokwadi ichi chinofanira kubva chabata mweya wako. Wobva watanga kukurira Satani uyu. Wobva watanga kukurira masimba erima aya.

Gara pfungwa dzako dziri paShoko raMwari. Uchirifungisisa. Uchiridzeja mumoyo mako. Zvakawanda zvinozotanga kuitika mumweya mako. Shoko iri rinenge riri kukutaridza mufananidzo wako, Iwe uchibva washandurwa. Uchifanana nemufananidzo waunenge uri kuvona uyu. Unofanira kubva wagamuchira mufananidzo uyu. Uchitaura semunhu ashanduka kudai. Zvisinei kuti chii chiri kuitika kwauri.

## PUPURA UCHITI

**Ndakafanana naKristu. Mwari vava kuvonekwa pandiri. Ndinogona kuita zvinhu zvose. Ndinozviita ndichishandisa simba raKristu. Hapana chombo chingandikurira. Ndichagara ndichikunda. Ndisina chingandikonesa kuwana zvandinoda. Saka ndinogara meso angu ari paShoko raMwari. Mifananidzo iri mariri ndiyo yoga yandinogamuchira. Ndiyo yoga inotaura zvandiri chaizvo. Mwari ngavaropafadzwe!**

---

### **DZIMWE NDIMA DZINOTSIGIRA CHIDZIDZO CHANHASI:**

---

Varoma 12:2; Jakobo 1:23-25

#### **HWOKURAVA BHAIBHERI MUGORE RIMWE CHETE**

1 Vakorinte 10:1-13 & Mapisarema 135-138

#### **HWOKURAVA BHAIBHERI MUMAKORE MAVIRI**

Ruka 18:35-43 & 1Samueri 13



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHINA 26

## VIMBA NENYASHA DZAMWARI



*Saka iwe mwanakomana wangu. Batirira  
panyasha dziya. Dziri muna Muponesi  
Jesu (2 Timoti 2 ndima 1).*

Isu tiri Vakristu. Mwari vakatiropafadza zvikuru. Vakatipa nyasha. Nyasha idzi dzakawanda. Chatingatozvibvunza ndechokuti, "Chii chatingaita nenyasha idzi? Zvii zvimwe zvatingaita nadzo?" Ndima yatavhura nayo yatikurudzira. Yati, "Batirira panyasha dziya. Dziri muna Muponesi Jesu".

Saka tinofanira kubatirira kunyasha dzaMwari. Kureva kuti tinofanira kudzishandisa zvakazara. Tine nhoroondo yatinopiwa muBhaibheri. Tinoiverenga muna Mabasa 3. Inotidzidzisa kushandisa nyasha dzaMwari. Inoita kuti tidzishandise kuita mabasa makuru. Nhoroondo iyi inotaura pamusoro paPita. Pita akanga aina Johane. Vakanga vari kuenda kuimba yaMwari. Vakanga vari kuenda kunonamata. Vakasangana nemumwe murume. Murume uyu akanga akaremara. Akanga azvarwa akaremara kudai. Mabasa 3 ndima 3 inotaura zvakabva zvaitwa nemurume uyu. Inoti, "Murume uyu akavona Pita. Aina Johane. Vakanga vari kupinda muimba yaMwari. Ndokubva avakumbira chipo".

Pita akavona uyu uri mukana. Wakanga uri mukana wekushandisa nyasha dzaMwari. Saka akadavira murume uyu. Tinoverenga mashoko ake muna Mabasa 3 ndima 6. Akati, "Ini handina sirivheri. Handina ndarama. Asi ndine chimwe chandinacho. Ndicho chandichakupa. Ndine zita rajesu weNazareta. Ndinomira muzita iri. Ndichikuraira kuti usimuke. Ufambe". Asi murume uyu haana kubva asimuka. Saka Pita akabva amusimudza. Akaita zvekumunakura. Zvidodoma zvake zvakabva zvawana simba. Akabva aporeswa. Mwari ngavaropafadzwe! Pita akashandisa nyasha dzaMwari. Nyasha idzi dzakabva dzashandavo.

SHONA

Ndizvo zvaunofaniravo kuita muhupenyu hwako. Shandisa nyasha dzaMwari. Dzishandise pazvinhu zvehupenyu hwako. Kunyangwe zviri zvidoko sei. Vimba nenyasha idzi. Dzishandise kuwana zvaunoda zvose. Zvingava zvehupenyu hwako. Zvingava zvemushumiro yako. Zvingava zvekubasa. Zvingava zvemumhuri mako. Kana zvedzidzo yako.

Nyasha dzinokuwedzera masimba. Dzinokusimudzira. Ndido dzinoshandisa naMweya Mutsvene. Vanodzishandisa kukutora pauri nhasi. Dzichikusimudza. Dzichikusvitsa kwauri kuda kuenda chaiko. Izvi ndizvo zvatinovona pana Pauro. Akanga ari munjodzi. Mweya Mutsvene vakabva vataura kwaari. Tinoverenga mashoko avo muna 2 Vakorinde 12 ndima 9. Vakati, "**Nyasha dzangu dzakakukwanira**". Kureva kuti nyasha idzi ndido dzaunofanira kuva nadzo. Hapana chimwe chinofanira kuwedzerwa. Vimba nenyasha dzaMwari. Vimba kuti dzinogona kukubatsira. Dzinokubatsira kuita basa rawakapiwa. Dzinokubatsira kurarama hupenyu hwakarongerwa.

## PUPURA UCHITI

**Nyasha dzaMwari dziri kushanda mandiri. Dziri kushanda nesimba guru. Nyasha idzi ndido dzinoita kuti ndifarirwe. Ndido dzinofumisa. Ndido dzinounza hutano. Ndido dzinowedzera fuma yangu. Dzichiita kuti ndigone kupa. Ndinovimba nenyasha idzi. Dzinondibatsira kukunda. Ndichiita zvisingagoni kuitwa nevanhu venyika ino. Ndinorarama hupenyu hwandakarongerwa naMwari. Ndinoita zvavanofarira ivo. Mwari vanobva vavonekwa pandiri. Muzita rajesu. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

Johane 1:16; Varoma 5:17; 2 Vakorinte 9:8

---

#### HWOKURAVA BHAIBHERI MUGORE RIMWE CHETE

1 Vakorinte 10:14-11:1 & Mapisarema 139-141

---

#### HWOKURAVA BHAIBHERI MUMAKORE MAVIRI

Ruka 19:1-10 & 1Samueri 14



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## GARA URI MUCHOKWADI



*Nokuti vanyengeri vakawanda  
vakapinda munyika. Ivo vaya  
vasingapupuri kuti Jesu Muponesi  
vakauya vari munhu wenyama.  
Vanhu vakadai ndivo vanyengeri  
chaivo. Ndivo vaponesi venhema  
(2 Johane 1 ndima 7).*

**S**hoko raMwari ndiro chokwadi. Iwe ungaziva Shoko raMwari. Hazvizogoni kuti unyengerewe. Hazvizogoni kuti utevere vanhu vasiri ivo. 1 Johane 4 ndima 1 inoti, “*Hama dzangu. Musagamuchira mweya yose yose. Tangai maiongorora. Muvone kuti inobva kuna Mwari here. Nokuti kune vavoni vakawanda. Venhema. Vazara munyika*”. Iwe ungaziva Shoko raMwari. Mumweya mako munozova nechiedza. Vavoni venhema vangazouya havo. Vadzidzisi venhema vangazouya. Hama dzenhema dzingazouyavo. Asi hazvizogoni kuti vakutsause.

Asi vamwe vanofambidzana nevanhu vasiri ivo. Ndiko kusaka vachizopedzisira varasika. Iwe ungava Mukristu. Asi unga tanga kufambidzana nevanhu vasina kufanira. Vasingafaniri kuwanikwa muhupenyu hwako. Unenge wava kutorasika. Ava vanenge vari vanhu vane dzidziso dzisingawirirani neShoko raMwari. Vasina kurovedzerwa muShoko raMwari.

Vanhu ava vanogona kупedzisira vava ivo vanokupa mazano. Mutuaro wako wobva watotanga kushanduka. Izvi ndizvo zvinoitika kune vakawanda. Vachizopedzisira vava kutungamirirwa nemweya isina kunaka. Vachizopedzisira varasika. Bhaibheri rinotaura muna 1 Johane 4 ndima 6. Richiti, “*Asi isu takabva kuna Mwari. Munhu angaziva Mwari. Munhu akadai anotigamuchiravo isu. Asi mumwe angasava waMwari. Munhu akadai ndiyе asingatigamuchiri. Izvi ndizvo zvinotibatsira kuziva mweya unenge uri kushanda. Kuti ndowe chokwadi here. Kana kuti ndewenhemma*”. Saka gara uri muchokwadi. Gara uri muShoko raMwari.

Apostora Johane ane shungu dzaaiva nadzo.

Aishuva kuti vanhu vaMwari vazive chokwadi. Aishuva kuti vararame muchokwadi. Tinoverenga mashoko ake muna 2 Johane 1 ndima 1. Akati, "Mukuru achinyorera mudzimai uya. Akasanangurwa. Pamwe nevana vake. lye wandinoda pachokwadi. Asi kwete ini ndoga. Asi vose vara. Vanoziva chokwadi". Kune vanyengeri vakawanda. Vanyengeri ava vazara munyika. Ndiko kusaka Mwari vachida kuti urarame muchokwadi. Zvinova ndizvo zvatavona mundima yatavhura nayo. Vanyengeri ava havapupuri kuti Jesu Kristu vakauya vari munhu wenyama. Havabvumizve kuti Kristu vakamuka kuvakafa.

Jesu Kristu vakauya panyika pano. Vakauya vari munhu wenyama. Iwe unofanira kugamuchira izvi. Ugozvipupura nemuromo wako. Kureva kuti unenge wava kurarama semunhu akazvigamuchira. Uchiita kuti Mwari vakudzwe saMwari. Ano ava mazuva ekupedzisira. Saka rarama muchokwadi. Johane ane mamwe mashoko aakataura. Tinoaverenga muna 3 Johane 1 ndima 4. Akati, "*Hapana chimwe chinu chinondifadza kudarika ichi. Chekunzwa kuti vana vangu vari kurarama muchokwadi*".

## NAMATA UCHITI

**Ndinokutendai. Imi Mweya Mutsvene vanokosha. Munondidzidzisa Shoko raMwari. Munota kuti ndirarame muchokwadi. Shoko raMwari mwenje wetsoka dzangu. Chiedza munzira yangu. Saka handichazombonyengerwi zvekare. Shoko raMwari iri riri mukati mangu. Riri kushandura hupenu hwangu. Saka vandinogara navo vava kuvona kururama kwaKristu. Kururama uku kuri mandiri. Saka vanhu ava vari kushandurwavo. Muzita rajesu. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

1 Johane 2:26-27; 2 Johane 1:7-8; 3 Johane 1:11-12;  
1 Johane 4:6

#### HWOKURAVA BHAIBHERI MUGORE RIMWE CHETE

1 Vakorinte 11:2-34 & Mapisarema 142-145

#### HWOKURAVA BHAIBHERI MUMAKORE MAVIRI

Ruka 19:11-19 & 1Samueri 15



Leave comments on today's devotional at  
[www.rhapsodyofrealities.org](http://www.rhapsodyofrealities.org)



MUGOVERA 28

## HUPENYU HUSINGAPERI HWAKAISWA MUMWEYA MAKO



*Zvavakataura zvacho ndezvinoti.  
Mwari vakanipa hupenyu  
husingaperi. Kuti tive veropa  
ravo. Zvino hupenyu uhu huri  
muMwanakomana wavo  
(1 Johane 5 ndima 11).*

Jesu Kristu vakakuita weropa ravo. Vakakupa hupenyu husingaperi. Hupenyu uhu hwakaiswa mumweya wako. Izvi zvakaitika pawakagamuchira ruponeso rwavo. Paya pawakavati vatonge hupenyu hwako. Munhu angava nehupenyu uhu. Anenge ava werudzi rwaMwari. Anenge ava weropa ravo. Saka munhu anofanira kuva werudzi rwaMwari. Mweya wake unofanira kuva weropa raMwari. Ndiko kuti agonzi ava Mukristu. Munhu uyu anobva amuka. Anobva atanga kuziva Mwari saBaba vake. Izvozvo ndizvovo zvinotaridza kuti wava muHumambo hweMwanakomana waMwari.

Isu takasungunurwa. Hatichisiri munyika yerima. Tava mune imwe nyika. Iyi inyika inotongwa neMwanakomana waMwari. Izvi ndizvo zvinotaura Bhaibheri. Tinozviverenga muna Vakorose 1 ndima 13. Munyika iyi ndimo mawava ikozvino. Kureva kuti wava nehupenyu husingaperi. Wava weropa raMwari. Asi kuda ungasanzwisisa izvi. Hazvizogoni kuti urarama hupenyu hwenyika iyi. Saka unenge wava kungorarama sevanhu venyika ino. Vanova vaya vanofa.

Iwe waimbova munhu anofa. Asi zvino wakazvarwa patsva. Uku kwakanga kuri kuzvarwa kechipiri. Saka hazvichagoni kuti ufe. Izvi ndizvo zvatinotaridzwia neBhaibheri. Tinozviverenga muna 2 Timoti 2 ndima 10. Inoti, **"Asi nyasha idzi dzakazouya. Dzakauya**

*pakauya Muponesi wedu Jesu. Iye akaparadza rufu. Akatiwanisa hupenyu. Akaitavo kuti tigone kusafa. Akaita izvi achishandisa shoko reruponeso rwake".* Iwe wava werudzi rwaMwari. Hauchisiri werudzi rwevanhu venyama. Hazvichagoni kuti ufe. Uchine muviri wenyama hako. Asi wava werudzi rweVamwari. Wakazvarwa neShoko raMwari.

Hauchina kufanana nevanhu venyika ino. Unofanira kunzwisia izvozvo. Ungava nemuvakidzani. Muvakidzani uyu angava asina kuzvarwa patsva. Unogona kunge uine muviri sewake hako. Asi hauchisiri werudzi rwake. Wava werudzi rweVamwari. Wava kuverengerwa kudivi reVamwari. Mwari ndivo vakakushandura rudzi. Ndivo vakaronga izvi. Ndizvo zvakavingwa naJesu izvozvo. Vakauya kuzokuita munhu weropa ravo. Vaida kuti uve werudzi rwaMwari. Izvi ndizvo zvawava. Hareruya!

## PUPURA UCHITI

**Ini ndava werudzi rweVamwari. Mweya wangu wava weropa raMwari. Hupenyu husingaperi hwakaiswa mumweya wangu. Saka hazvichagoni kuti ndiparadzwe. Hazvichagoni kuti ndife. Ndava kugara ndakafara. Ndava kugara ndiine rugare. Ndichitonga Satani. Ndichitonga mweya yetsvina. Ndichitonga zvinhu zvenyika ino. Ameni.**

---

### DZIMWE NDIMA DZINOTSIGIRA CHIDZIDZO CHANHASI:

---

Johane 10:10; 1 Johane 5:11-12

**HWOKURAVA BHAIBHERI MUGORE RIMWE CHETE**

1 Vakorinte 12 & Mapisarema 146-150

**HWOKURAVA BHAIBHERI MUMAKORE MAVIRI**

Ruka 19:20-27 & 1Samueri 16



Leave comments on today's devotional at  
[www.rhapsodyofrealities.org](http://www.rhapsodyofrealities.org)

Nora zwierzątka

SHONA

Nyora zwawadzidza

Nyora zwawadzidza

## KEREKE MUVIRI WAKRISTU



*Nokuti isu tiri nhengo dzemuviri wavo.  
Dzenyama yavo. Nedzemafupa avo  
(Vaefeso 5 ndima 30).*

**K**une vamwe vanhu. Vanhu ava vanofunga kuti Kereke rinongova sangano revanhu vasiri Vajudha. Uye kuti vanhu ava vakangonzwirwavo tsitsi naMwari. Havana kunatsa kuponeswa chaizvo. Vanhu vanofunga kudero havanzwisisi Kereke.

Vanhu ava vanongoziva Sungano yeKare chete. Vanongonzwisia kunamata kweVajudha chete. Ndiko kusaka vasinganzwisisi Kereke. Havanzwisisi ruponeso rwajesu Kristu. Sungano yeKare haitauri nezveKereke. Vanhu venguva iyi vakanga vasingazivi Kereke. Kunyangwe vavoni venguva iyi vaisainzwisisavo. Mwari havana kuwaita kuti vainzwisise. Kunyangwe zvakadero, vavoni ava vakataura nezvekuponeswa kwevanhu vasiri Vajudha.

Iwe ungada kunzwisia Kereke. Pane mabhuku eBhaibheri aunofanira kudzidza. Aya mabhuku enhoroondo yeshumiro yaJesu panyika. Mabhuku aya anotipa mashoko akataurwa najesu pachavo. Une tsamba dzaunofanira kudzidzavo. Idzi itsamba dziya dzakanyorwa nenhume dzajesu. Tsamba idzi ndidzo dzinotsanangura Kereke. Dzinoitsanangura zvakajeka. Dzinotizivisa kuti Kereke ndiwo Muviri waKristu.

Vaefeso 2 ndima 16 kusvika 17 inoti, "**Kuti Muponesi vagoshandisa muchinjikwa. Vaushandise kuvadzosa vose kuna Mwari. Vachidzoka vava mumuviri mumwe chete. Mushure mokunge vaparadza ruvengo rwaimbovapo. Vakazouya vachiparidza rugare. Vachiruparidza kwamuri vakanga vari kure. Nevaya vakanga vari pedo**". Saka Mwari vakaparidza rugare. Vakaruparidza kuVajudha. Vakaruparidzavo kuvanhu vasiri Vajudha. Vakadzosavo vose ava kuna Mwari. Vakavabatanidza.

Vakavaita muviri mumwe chete. Muviri uyu ndiwo unonzi Kereke! Muviri uyu mutsva. Une vanhu vakasangana. Vamwe vacho Vajudha. Vamwe vacho havasi Vajudha. Zvino munhu angada kuva nhengo yemuviri uyu. Anofanira kutanga azvarwa patsva. Zvisinei kuti Mujudha here. Kana kuti haasi Mujudha.

Vanhу ava vakaenzana. Hapana akakosha kudarika mumwe. Ndima yatavhura nayo yati, "Nokuti isu tiri nhengo dzemuviri wavo. Dzenyama yavo. Nedzemafupa avo". Saka vatsvene vaMwari inhengo dzemuviri waKristu. Kureva kuti Kereke ndiwo Muviri waKristu. Zvino Jesu vane mashoko avakataura. Tinoaverenga muna Matiyo 16 ndima 18. Vakati, "Ndichavaka Sangano reVasanangurwa vangu ...". Sangano iri ndiyo Kereke. Ndini newe. Vatsvene vaMwari vose vari pasi rose. Ndiwo Muviri waKristu. Saka isu tisu Muviri wavo. Patiri ndipo panovonekwa Mwari. Ndipo panovonekwa nyasha dzavo. Ndipo panovonekwa humambo hwavo. Ndipo panovonekwa simba ravo. Saka Mwari ngavakudzwe saMwari.

## PUPURA UCHITI

**Ini ndiri nhengo yemuviri waKristu. Pandiri ndipo panovonekwa Mwari. Ndipo panovonekwa nyasha dzavo. Ndipo panovonekwa hushe hwavo. Ndipo panovonekwa simba ravo. Ivo ndivo vanoita kuti ndive munhu akawana. Uye vari mandiri netwavo twose. Ndava nhengo yeMuviri wavo. Ndava rimwe remafupa avo. Saka ndava weropa ravo. Ndava werudzi rweVamwari. Mweya wangu wava werudzi rwavo. Moyo wangu wava werudzi rwavo. Muviri wangu wava werudzi rwavo. Ndinorumbidza Mwari.**

---

### DZIMWE NDIMA DZINOTSIGIRA CHIDZIDZO CHANHASI:

---

Vagaratia 3:27-28; 1 Vakorinte 12:12; Vakorose 3:10-11

#### HWOKURAVA BHAIBHERI MUGORE RIMWE CHETE

1 Vakorinte 13 & Zvirevo 1-2

#### HWOKURAVA BHAIBHERI MUMAKORE MAVIRI

Ruka 19:28-40 & 1Samueri 17



Leave comments on today's devotional at  
[www.rhapsodyofrealities.org](http://www.rhapsodyofrealities.org)



MUVHURO 30

## UNORAMBA UCHIWEDZERA NYASHA, RUVIMBO, NEHUMWARI



*Takapiwa fuma yavo. Takaipiwa yose.  
Takapiwa zviri mavari. Takazvipiwa  
zvose. Tikapiwavo nyasha. Nyasha idzi  
dzinogara dzichiwedzerwa  
(Johane 1 ndima 16).*

Isu tava muna Kristu. Tine hupenyu hwatakapiwa. Hupenyu uhu hwakatanga nenyasha. Izvi ndizvo zvatavona mundima yatavhura nayo. Nyasha ndidzo dzakakuwanisa ruponeso. Saka nyasha idzi dzakakupa chinhu chikuru. Chinhu ichi hachigoni kuenzaniswa nezvinhu zvenyika ino.

Nyasha dzavo dzakakupa zvinhu zvose. Izvi ndizvo zvatinovona muna 2 Vakorinde 3 ndima 21. Nyasha idzi dzine maropafadzo adzakakupa zvekare. Aya maropafadzo anowanikwa muna Kristu Jesu. Iwayo anoshandira mumweya. Dzakakupa maropafadzo aya ose. Ndizvo zvatinoverenga muna Vaefeso 1 ndima 3. Saka wava nezvinhu zvose. Zvingava zvinodikanwa pakurarama. Kana zvinodikanwa pakunamata Mwari. Izvi ndizvo zvatinoverenga muna 2 Pita 1 ndima 3. Nyasha dzavo dzakaitavo kuti ufarirwe. Dzakakuwanisa zvisingawanikwi nevanhu vose vose. Dzakakupa mufaro. Dzakaita kuti ugone kupu. Dzakaita kuti unakirwe nehupenyu. Dzakaita kuti ugutsikane muhupenyu. Saka Mwari ngavakudzwe saMwari.

Hupenyu hwako hwavavo hwekuvimba naMwari. Ruvimbo rwako urwu runogara ruchiwedzera. Bhaibheri rinotaura pamusoro peruponeso rwaKristu. Tinoverenga mashoko aro muna Varoma 1 ndima 17. Rinoti muruponeso urwu **"Ndimo matinovona kururama kwaMwari. Kuchinyanya kujeka panowedzera ruvimbo rwedu. ..."**. Saka ruvimbo rwako runogara ruchiwedzera. Runowedzera paunenge uri kugamuchira

Shoko raMwari. Izvi ndizvo zvatinotaridzwa muna Varoma 10 ndima 17. Inoti, "***Saka ruvimbo runouya nekunzwa. Kunzwa kunouya neShoko raMwari***".

Asi hazvigumiri ipapo. Iwe unogara uchiwedzeravo kufanana naMwari. Izvi zvinoitika paunenge uri kunzwisia ruvimbo. Uchijaira kurarama mukururama kwaMwari. Saka hazvigoni kuti hupenyu hwako hudzikire. Hunogara huchikwirira chete. Hunogara huchifambira mberi chete. Saka nzwisia hupenyu hwawava nahwo. Uhu hupenyu hweVamwari. Hupenyu huzere nyasha. Hupenyu hwekuvimba naMwari. Hupenyu hunoraramiwa nevanhu vari muna Kristu. Saka pota uchitaura uchiti, "Nyasha dzangu dzinogara dzichiwedzera. Ruvimbo rwango runogara ruchiwedzera. Ndinogara ndichiwedzera kufanana naMwari". Hareruya!

## PUPURA UCHITI

**Nyasha ndidzo dzinongovonekwa pahupenyu hwangu. Nyasha idzi dzakadururwa pahupenyu hwangu. Dzinogara dzichiwedzera pandiri! Nyasha idzi dzinoita kuti ndifarirwe. Dzinondifumisa. Dzinondiita mutano. Ndava kugona kuuruka masvingo. Nyika yava kunditya. Ndinotonga Satani. Ndinotonga zvinhu zvenyika ino. Hupenyu hwangu hwava kugara huchiwedzera kufanana naMwari. Saka ndava kurarama hupenyu hwandakarongerwa naMwari. Muzita ralshe Jesu. Ameni.**

---

### **DZIMWE NDIMA DZINOTSIGIRA CHIDZIDZO CHANHASI:**

---

Vaheberu 4:16; 2 Timotio 2:1; Varoma 4:16;  
2 Vakorinte 3:18

#### **HWOKURAVA BHAIBHERI MUGORE RIMWE CHETE**

1 Vakorinte 14 & Zvirevo 3-4

#### **HWOKURAVA BHAIBHERI MUMAKORE MAVIRI**

Ruka 19:41-48 & 1Samueri 18



Leave comments on today's devotional at  
[www.rhapsodyofrealities.org](http://www.rhapsodyofrealities.org)



CHIPIRI 31

## TINE ZVAKATIKWANIRA



*Kwete nekuti ndaishaiwa. Asi nokuti  
ndakadzidza kugutsikana nezvose  
zvandinenge ndinazvo  
(Vafiripi 4 ndima 11).*

**M**wari munhu akazvikwanira. Havatsvaki chemunhu. Havana pavangada kubatsirwa. Vane zvinhu zvose. Zvinhu izvi zviri mukati mavo. Saka havana pavanotsvaka simba. Ivo ndivo simba racho. Havana pavanotsvaka mazano. Ivo ndivo mazano acho. Havana pavanotsvaka kururama. Ivo ndivo kururama kwacho. Vanogona kutogara vari voga. Zvinhu zvavo zvichitofamba. Asi izvi ndizvo zvawavavo iwe. Ndizvo zvavakuitavo iwe. Wanga uchizviziva here?

Iwe wafanana navo. Saka wava kugona kumira woga. Mwari vane zvinhu zvavanoda kuti uite. Wava kugona kuita zvinhu izvi. Uye wava nezvose zvinodiwa kuita zvinhu izvi. Zvinodiwa izvi zviri mukati mako. Mundima yatavhura nayo mune shoko rinoti, "kugutsikana". Shoko iri rinoturikirwa kubva kushoko reChigiriki. Shoko reChigiriki iri nderinoti, "autarkes".

Shoko iri rinoshandisa kutsanangura dzimwe nyika. Idzi inyika dzinogona kumira dzoga. Inyika dzisingatsvaki kubatsirwa nedzimwe. Izvi ndizvo zvinoshuviwavo naMwari. Vanozvishuvira pavana vavo. Izvi ndizvo zvatinovona muna 2 Vakorinde 9 ndima 8. Inoti, "**Zvino Mwari vanogona kuita kuti nyasha dziuye kwamuri. Dzakawanda. Kuti mugare muine zvinhu zvakakwana. Muchitowana zvimwe. Zvekushandisa kuita mabasa akanaka**".

Asi izvi hazvinetsi kunzwisia. Nokuti Mukristu munhu akatakura Kristu. Zvino, muna Kristu ndimo mune zvose. Saka iwe ungava naKristu. Unenge

watova nezvinhu zvose. Ichi ndicho Chokwadi. Ichokwadi chandakamboita nguva ndichidzeya mumoyo mangu. Ndakachidzeya ndichiri mudoko. Ndakabva ndasarudza kusashaiwa chinhu. Saka handina pandakambozoshaiwa zvekare.

Sarudza kurarama mumaropafadzo. Sarudza kugara uine zvinhu zvakawanda. Ndihwo hupenyu hwawakapiwa. Wakahupiwa nekuti wava Kristu. Usarega nyika ichikanganisa hupenyu hwako. Rarama muShoko raMwari. Kuda wanga uchitsvaka simba. Hauchafaniri kuramba uchiritsvaka. Mweya Mutsvene ndivo simba rako. Mweya Mutsvene ava vanotogara mukati mako. Ndivo simba raMwari. Saka wava kufamba wakatakura simba. Simba iri hariperi. Haritapudziki. Iwe unongofanira kurimutsa chete. Unongofanira kurishandisa chete. Unorishandisa pose paunenge wadira. Saka wakashanduka rudzi. Nzwisisa rudzi rwako urwu. Urarame semunhu werudzi urwu. Pasina chinhu chinogona kukukanganisa. Hareruya!

## NAMATA UCHITI

**Baba vandinoda. Ndinokutendai. Makandipa zvinhu zvose. Zvingava zvinodiwa pakurarama. Zvingava zvinodiwa pakunamata Mwari. Saka ndichagara ndiri pamusoro chete. Nokuti ndava nezvose zvandingada. Zvingava zvinodikanwa kuti ndikunde. Kana zvinodikanwa kuti ndifume. Zvinhu zvose izvi zvava mumweya mangu. Kubudirira kwava mumweya mangu. Saka ndava kugara ndichiwedzera kufanana naMwari. Muzita rajesu. Ameni.**

---

### **DZIMWE NDIMA DZINOTSIGIRA CHIDZIDZO CHANHASI:**

---

2 Vakorinte 3:5; 1 Johane 4:4; 2 Petro 1:3;  
Vakorose 1:27

#### **HWOKURAVA BHAIBHERI MUGORE RIMWE CHETE**

1 Vakorinte 15:1-34 & Zvirevo 5-7

#### **HWOKURAVA BHAIBHERI MUMAKORE MAVIRI**

Ruka 20:1-8 & 1Samueri 19



Leave comments on today's devotional at  
[www.rhapsodyofrealities.org](http://www.rhapsodyofrealities.org)

# MUNAMATO WORUPONESO

Tinovimba kiti wakomborerwa nebuku rino. Tinokukoka kuti uite Jesu Kristu vave Mutongi wehupenyu hwako. Nokudaro, namata munyengetero unotevera: "Imi Ishe Mwari. Ndinotenda nemoyo wose kuti Jesu Kristu ndivo Mwanakomana waMwari vapenyu. Ndinotenda kuti vakandifira. Ndinotenda kuti Mwari vakavamutsa kubva kuvakafa. Ndinotenda kuti Jesu ava vapenyu nhasi. Ndinopupura nemuromo wangu, kuti Jesu ndivo Ishe vehupenyu hwangu kubva nhasi. Ndivo vava kutonga hupenyu hwangu. Nokudaro, ini ndawana hupenyu husingaperi. Ndahuwana mavari. Ndahuwana muzita ravo. Ndinokutendai Ishe. Mandiponesa! Ndava mwana waMwari. Hareruya!"

*Makorokoto! Ikozvino wava mwana waMwari.  
Kuti uzive zvakawanda zvokuti ungakura sei  
soMukristu, taura nesu uchishandisa zvakapiwa  
panyasi:*

---

---

---

**UNITED KINGDOM:**  
+44 (0)1708 556 604  
+44 (0)8001310604

**NIGERIA:**  
+234 812 340 6547  
+234 812 340 6791

**CANADA:**  
+1-647-341-9091

**SOUTH AFRICA:**  
+27 11 326 0971

**USA:**  
+1 (0) 980-219-5150  
+1-281-759-5111  
+1-281-759-6218

## ABOUT THE AUTHOR

Mufudzi Chris Oyakhikome ndivo Mutungamiriri weSangano reBelievers' LoveWorld Inc. Sangano iri rinoita mabasa okushumira Shoko raMwari. Rinoita mabasa aya munyika dzose dzepasi rino. Ndivo zvekare munyori webhuku reRhapsody of Realities. Bhuku iri rinoshandisa nevanhu paminamato yavo yezuva nezuba. Ndiro rinonyanya kushandisa nevanhu pasi rose. Vane mamwe mabhuku avakanyora. Mabhuku aya anodarika makumi matatu. Mufudzi Chris mushumiri weShoko raMwari. Mushumiri akazvipira zvikuru. Dzidziso dzavo dzabatsira vakawanda kunzwisia hweVamwari.

Zviuru zvezviuru zvevanhu zvinobatsirwavo nechimwe chirongwa chavo. Chirongwa ichi chinonzi "Atmosphere For Miracles." Chinobuda pamaTV. Chinoita kuti vanhu vasangane naMwari vari mudzimba dzavo. Mufudzi Chris vanoshumiravo pamaTV. Vanobuda pamaTV pasi rose. MaTV avo anodaizwa kuti LoveWorld. Anobudisa zvirongwa zveChikristu. Zvirongwa izvi zvinosimudzira zvikuru. Zvinobatsira vanhu pasi rose.

Mufudzi Chris vane chikoro. Chikoro ichi chinodzidzisa vanhu kushandisa Shoko raMwari kugara vari muhutano. Chikoro ichi chinonzi Healing School. Chava kuzikanwa nevanhu pasi rose. Mufudzi Chris vanoitia mabasa aJesu Kristu ekuporesa vanhu pachikoro ichi. Vanoshandisa zvipo zvaMweya Mutsvene kuporesa vanhu. Nokudaro, vakabatsira vakawanda kuti vaoreswe

Mufudzi Chris vane shungu dzokusvitsa Mwari kuvanhu pasi rose. Iri rinotova basa ravakatumwa naMwari kuita. Vava nemakore anodarika makumi matatu vachiriita. Vanoriita nenzira dzakasiyana siyana. Vanoshandisa mavhuserere. Vanoshandisavo midziyo inosvitsa Shoko raMwari kuzviuru zvezviuru zvevanhu. Nokudaro, vakabatsira zviuru zvezviuru zvavanhu. Vakazvibatsira kukunda muhupenyu. Vakazvibatsira kushandisa Shoko raMwari pakurarama kwavo.

Nora zwierzątka

SHONA

Nyora zwawadzidza

Nyora zwawadzidza

Nora zwierzątka

SHONA